

四庫全書

史部

欽定四庫全書

畿輔通志卷七十四

政事

順天府

明

盧祥

房山人洪武中歷官刑部郎中才能著稱以從征有功陞本部侍郎卒於官

劉士原

昌平人洪武中以才能薦舉擢潞州知州有惠政遷陝西叅議累官左布政使朝覲入都

止跨一蹇驢帝廉得其實稱揚不已命馳驛赴任時有天下清官劉士原之譽

王二共

武清人洪武時由人材授長安令興利除害勤廉有為民謠曰村落安堵賴有王明府歷

官鳳翔知府

劉英

寶坻人洪武中由辟舉知繁峙縣廉能守法深得民心秩滿縣人詣闕留之詔復任仍命

禮部書其政績起羣以曉示天下

甄庸

宛平人洪武時舉人才授戶部主事有賢聲永樂元年陞松江知府政平訟簡二年降右

軍都督府經歷三年擢山西道監察御史巡按廣西激揚有體四年陞工部右侍郎累官南京兵部尚書致仕庸性凝重言若不出口過事處之綽有餘裕人稱篤厚君子

李慶

字德孚順義人洪武中以國子主事都察院右僉都御史後授刑部員外郎知紹興府永

樂初召為刑部侍郎性剛果有幹局馭下甚嚴帝以為才毅命治他事不得時至部然屬吏交通餉遺慶輒知之繩以法五年改右副都御史進工部尚書仁宗立進兵部中官有求執不與至相詆不為動號為生李宣德初安遠候柳升討黎利慶叅贊軍事病卒

李

嘉

宛平人幼立志事父母盡孝始為奉祠所禮生永樂初以守城功授鴻臚序班陞通政司

叅議累官禮部侍郎嘉持躬端謹嚴毅剛方無敢干以私者

劉中敷

大興人永樂初以守城功授陳留縣丞累遷山東布政使所至以愛人稱正統初召拜戶

部尚書未幾罷歸復起戶部侍郎兼太子賓客卒中數性淡泊仕宦五十年家無餘貲

王

騏

字秉良固安人永樂初為工部主事居官廉介不阿為權貴所嫉左遷舞陽知縣縣多盜

賊騷捕獲渠魁餘悉縱去歲饑捐俸賑恤全活甚衆考滿入京仁宗監國詔諮民隱騷手疏條陳利

害數事賜
馳驛還任

李

敷

涿州人永樂中為戶部主事歷官四川布政使持已嚴厲任職廉峻官物不私一毫奸滑

有犯者繩之不少貸蜀人稱為鐵面李正統初召拜吏部左侍郎卒

張

敏

永清人宣德中進士擢工科給事中在任以勤慎稱正統末陞工部右侍郎致仕卒

李

儀

涿州人宣德中以薦授戶部主事遷九江知府有惠愛吏民懷之擢右僉都御史巡撫大

同盛有建置號令一新為石亨所構庾死邊人建昭德祠祀之

李

信

遵化人宣德中為知縣九年奏最當遷民遮道乞留詔加秩還任

王復

字初陽固安人騏子正統時進士授刑科給事中歷官通政司左叅議景泰初額森擁英

宗入闕邀大臣迎駕復充禮部右侍郎以行至德勝門外仰瞻御容頓首拜泣額森怒持刀脅之以殺事詰復反覆辨論不屈歸陞右通政累遷兵部尚書

李震

字用初宛平人正統進士改庶吉士授工科給事中丁憂已巳京師戒嚴奪情起守東直

門歷陞兵部侍郎巡視紫荆關置立界牌禁伐林木衛護關隘還奏稱旨尋卒

李侃

字希正東安人正統進士授給事中事親孝額森入寇時父母在容城侃曉夜悲泣乞假

冒白及迎之景泰中戶部尚書金濂違詔徵歛侃論其罪遂下濂獄英宗復辟歷官巡撫山西右僉都御史力振風紀貪墨屏迹母喪歸軍民擁泣至不得行服除遂不出年七十有九卒子二人德恢

德仁皆進士德恢知嚴
州府德仁刑部員外郎

殷

謙

字文撫涿州人正統進士授戶部主事累官
右副都御史巡撫宣府驕將悍卒莫不馴服

陞戶部尚書進太子少保致仕家
居賦詩飲酒人比之文潞公云

秦

敬

字克恭涿州人正統進士授刑部主事累遷
副都御史巡撫貴州獠蠻戢服以病告歸

芮

釗

字宗遠寶坻人正統進士歷右副都御史巡
撫甘肅訓練卒伍謹斥振廣蓄積鎮守三年

邊鎮晏然卒於官貧不
能殮人服其清操云

金

純

字文明平谷人景泰進士累官桂林知府桂
巖徭賊劫掠鄰境御史檄純招之純遣謀語

賊曰太守親來招撫以蘇衆命徭皆痛哭引
領聽撫事平御史奏其功累遷山西布政使

會

鑑

其先桂陽人以戌籍京師天順進士授刑部主事通州民十餘人被誣為盜鑑辨其冤弘

治中累遷工部尚書正德初與韓文等伏闕請誅宦官不勝諸大臣留者率巽順避禍鑑獨守故操多所論執未幾以病乞休

邢

表

字居正文安人天順進士知獲嘉縣治行最擢彰德知府坐與王府爭事調衛輝並有善

政歷四川布政使歲災大發廩賑貸全活無算茶課通者三百餘萬斤表請每斤徵銀一分充梅潘餉從之弘治初就拜右副都御史巡撫其地及卒家無餘貲

陳

壯

字直夫本山陰人隸籍京師天順進士授南京御史編修章懋建言得罪抗疏救之帝遣

中官採取花木復疏諫壯素孤介常祿外一無取讀書務實踐父沒居喪一遵古禮母憂亦然弘治

中大臣屢薦以河南按察副使致仕

張

恕

霸州人成化進士累官操江都御史工部尚書天性廉介居家二十年所得俸祿俱散親

族祖業外未嘗有所增益卒之日幾不能殮

燕

忠

字良臣薊州衛人成化進士任寧國府推官獄多所平反擢御史按陝西力舉風憲賊

吏皆引去歷陝西布政使巡撫宣府遷大理卿性峭直不輕交際貴近請託必正色拒之居官三十

年家無餘貲贈刑部尚書

歐

信

字孚先薊州人成化進士任戶部主事奉命賑陝活饑民以萬計為郎中督餉大同增置

東大有倉請粟至五十萬石累官右副都御史巡撫大同選將練兵綜理屯政備舉廢墜以才能稱

張

綸

字大經順天人成化進士授鹽城令擢御史巡通州倉故人有以芑苴來謁者不復與見

嘗按正定諸郡平山令欲增淤田稅綸不聽歷官右都御史致仕卒

胡

諒

字允夫大興人成化進士授常州推官清正自持入為御史按留都以旱災陳言累遷工

部侍郎乞終養

劉

聰

字守愚薊州衛人成化進士選兵科給事中遷湖廣叅政承勘南渭王長子釋誣罪者五

人竟抵王長子罪擢右副都御史巡撫宣府

段

正

字以中順天人成化進士令元城召拜御史按江西值歲薦饑閭盜起正布約束四十餘

條嚴而有要盜得息屆期當更代特留一年歷官左叅政正為文敏瞻七歲賦鸛鵒有奇句所著有

介巷集

夏昂

字景德宛平人成化進士授工科給事中累官右副都御史總督糧儲昂為人醇謹質直

歷官中外以廉慎稱

張禴

字汝誠平谷人弘治進士任刑部郎中正德初權宦惡都御史強珍欲籍其家禴執不可

遂止累任僉都御史巡撫大同禁制豪強獲譴左遷叅政復巡撫遼東卒於官

蕭選

字廷舉三河人弘治進士為盤屋令摘伏發奸人以邑孝肅稱之同忤巨璫左遷揚州衛

經歷推知獲嘉縣拜山西道御史按鹽河東國計充裕累遷僉都御史

王鏜

字彥升營州中屯衛人弘治進士任德平知縣政平訟理擢御史剛毅不畏豪強巡通倉

宿弊一清又奏請添修通州新城以保倉儲按蜀破土賊廖麻子等武宗賜璽書褒之累遷河南副使以憂歸遂不出

許復禮

字樞仁東安人正德進士改庶吉士授給事中武宗數出游幸復禮偕同官力諫皆不省

世宗初錢寧江彬宸濠黨誣誤繫獄者甚衆復禮以為言多所省釋中官黃錦愬高唐州判官金坡連逮五百人以復禮言得勿窮治終河南叅政

楊泰

良鄉人正德進士授行人與司副余廷瓚等諫武宗南巡廷杖謫國子監學正嘉靖初復

為行人擢御史清軍陝西以議廟制劾禮官依違出為四川按察僉事平寇有功賜金綺分賑川北川西以勞瘁卒於官蜀人惜之

楊維聰

字達甫固安人正德中廷試第一授修撰遷右中允因議大禮廷杖出為山西副使累遷

太僕寺卿弟維傑廷

試第二累官左庶子

楊行中

字維慎通州人嘉靖進士由知縣擢御史巡按遼東巡撫呂經激遼陽兵變部議勦行中

請榜示諸城令亂者自相捕贖罪從之世宗將幸承天行中力諫上震怒廷杖會風變得免累遷左

副都御史南
京吏部尚書

陳儒

字懋學錦衣衛人嘉靖進士授戶部主事出守東昌屬邑水災發粟賑濟既而民以稅累

者儒疏其事於朝請以郡帑積金代民田租詔可其奏擢寧紹道尋提督浙江學政以崇經術黜浮靡為已任與諸生約累干言皆以道德實行為先累遷僉都御史巡撫宣大旋奉勅巡視漕運冒暑

就道會倭寇揚州儒令徙運司積稅入府庫寇至
一無所得復督將士追戰三獻戎捷後以疾致仕
卒

陳

堯

字敬甫通州人嘉靖進士為工部郎出守台
州治行為東南第一轉長蘆都轉鹽運使遷

貴州按察使時採皇木取丹砂使者相望堯於事
事減省曰勿被荒服以導奢靡後巡撫四川轉南
京工部侍郎總理河道會河淤沛下堯遣小舟尋
古廟碑記知刁陽湖可濟運遂引漕由湖而北決
口以塞以刑部
左侍郎致仕

王

儀

字克敬文安人嘉靖進士授靈壁令歲祲儀
下車卽散倉粟設糜以飼疫者全活甚衆俄

改嘉定徵拜御史按陝西河南以法繩藩封之害
民者時吳中田賦戶籍浸失其初吏因緣為奸大

臣力薦儀才遂命為蘇州知府坐前按河南為宗室所訴詔奪職吳民詣闕請留言官亦交章薦復職得撫州吳民復上書願留儀守蘇巡撫上其事乃得請定田賦徧徭役暮年化行訟簡為天下第一遷蘇松兵備道平南沙土寇秦璠等轉叅政守冀寧擢撫宣鎮拔才能申號令修器械嚴墩望邊城一新以誑誤奪職尋授肅州兵備入覲改僉都御史巡撫通州仇鸞兵四掠為患儀擒之治以軍法遂為鸞所中奪職卒於家

李崧

大城人嘉靖進士任歸安令巡方使者按浙立清廉貪酷四牌諭各邑令自審政績立牌

下眾競趨清廉崧獨立酷牌下使者驚異詰之崧曰讀聖賢書叨甲第頗知自愛貪則斷不敢出清廉亦自分未能歸安豪右世族非嚴勿治酷或有之使者動色稱奇密囑以緝捕豪勢因搆禍幾不

免謫州判遷滕縣令累遷遼東寧前道僉事威惠並施歷十二載進副都御史巡撫遼東三年軍民悅戴以艱歸

賈應元

字仁甫遵化人嘉靖進士累官僉都御史巡撫大同條陳八事俱報可時鎮屬官商運餉

註誤頗多應元請悉蠲除全活甚衆遷兵部侍郎卒贈尚書子維翰字知伯萬歷進士任職方郎中聲有能

毛

銅

字伯鍊薊州人嘉靖進士授汝寧推官寘崇藩校於法崇王怒銅不為動歷兵部郎出守

杭州累遷戶部尚書致仕家居置義田賙內外貧族

喬

伊

字良相三河人嘉靖進士任安慶府推官慎刑獄遷南京戶部郎中值兵變殺侍郎黃某

伊馳赴軍中諭以禍福衆始帖然解散

王顯忠

字元孝保定縣人嘉靖進士為戶科給事中忤權相謫杞縣丞後還山西叅政陽城介休

有盜数千據險為患顯忠親冒矢石討平之

王時舉

字晉卿通州人嘉靖進士授河南府推官擢御史以言事忤權貴謫徙延慶隆慶改元復

官時中官無子寵衰時舉列疏論之語極切直萬厯初累遷大理少卿卒

劉效祖

字仲修京衛人嘉靖進士理衛輝平反無算遷戶部主事出為固原兵備副使平涼苑馬

寺卿恃奧援縱卒擾民效祖執之寘於法一日敵入花馬池效祖登城捍禦敵知有備引去尋為忌

者所中罷歸五原人扶老攜幼號泣車前聲震四十里

張守直

遵化人元丞相忙古歹九世孫剛方正直嘉靖中官大理寺卿手定嚴世蕃獄詞後歷戶

部尚書請汰歲餉及條例改漕歲省帑銀數十萬去官日敝車羸馬蕭然歸里

福時

東安人本姓張福時其名也諳韜鈴善騎射世宗朝以世職歷官漕運叅將值河決償運

八載飛輓為諸郡先大學士徐階兵部尚書楊博皆知之晉掛印總兵官鎮淮安督漕如故世宗常品論羣臣有清不過福時勇不過馬芳之語反徐楊去國時亦罷歸卒世宗凡勅時手書名而不

氏故以為
改福姓云

姜璧

字元卿文安人隆慶進士授樂安令邑有大俠王彥飛橫行鄉里睚眦殺人兵備使者索

之不得璧至召諸賊曹授計擒之立斃杖下眾凜然任五年擢御史按淮上淮水大溢璧疏言河口

外高內下開支河則引倒流之潮恐啟私販之路
不若修范公廢堤使內水不出外水不入外不損
鹽竈之地內不傷耕植之田疏凡數百言皆鑿鑿
可行部覆如議按中州奏免加額贖鍰擢撫鄖陽

罷歸

邢孔陽

字公昭文安人萬曆進士為戶部主事督代
州餉羨金萬餘司吏以獻孔陽峻却之遷郎

中管通州漕儲河道事時河決
不時孔陽條議疏濬民甚利之

馮盛明

涿州人萬曆進士授扶溝令調萊蕪儲穀賑
饑累遷開封知府設計擒昨陽劇盜薦陞淮

徐備兵副使治河功成三十年無河患轉潼關備
兵叅政築石堰防滂至今稱為馮公堰終河南左
布政使

王愛

字仁甫宛平人萬曆進士為潞安推官讞獄平允剛直不阿遷工部郎奉檄覈遼東浮餉

二十七萬尋備兵陝西安寧告警多制勝功愛學識淵博所著有史論息機園集行世

馬經綸

字主一通州人萬曆進士授肥城令入為御史時以兵部考察不當上意言官多被斥經

綸上疏爭亦貶三秩出之外工科給事中林熙春疏救加貶經綸米脂典史尋削籍卒鄉人私諡聞道先生天啟初贈太僕卿

何選

字靖卿宛平人萬曆進士除南昌知縣徵御史廷臣爭國本多獲譴選語鄭貴妃弟國泰

以朝野公論鄭氏禍福懇言於妃俾自請國泰猶豫選危言動之國泰因疏請蚤定以釋危疑帝意不憚已知出選意卿之以他事謫遷湖廣布政司照磨尋斥為民天啟中贈先祿少卿

馮有經

順天人萬曆進士以右中允充東宮講官一日進拜皇太子偶不為起有經奏曰臣承乏

春宮輔導無狀致殿下失起立之禮光宗改容謝之有經立身謹飭以孝義稱

陳效忠

字葵心房山人萬曆中為登州推官時棲霞令與巡按御史忤慮中傷泣訴於效忠以求

全效忠曰寧累身決不違理以媚上官竟注令上考

楊若梓

字原育通州人萬曆進士知河南信陽州擢禮部員外郎神宗崩光宗立議以明年為泰

昌元年未幾光宗又崩熹宗立閣臣九卿欲議改元而甚難之若梓曰一年三君往代所無若仍以明年為泰昌元年則無以存先帝請自今日始即稱泰昌元年明年春正為今上紀元既可以存先帝之元亦所以尊今上之統或於情理為愜閣臣九卿羣是

之遂草
奏以聞

方從哲

字中涵大興人萬歷進士與葉向高同入相神宗倦勤中外隔絕當時咸倚從哲向高為

重既而獨相七年忠勤謹樸熹宗朝定紅丸案治李可灼罪從哲票擬從輕諸臣交章劾之熹宗在東宮時知其忠蓋諭諸臣曰服藥出自聖意可灼原不知醫意圖僥倖舊輔方從哲心跡可白宜從寬論予告歸杜門不出卒諡文端

吳孟明

山陰人以錦衣衛籍居京師天啟中魏忠賢用許顯純掌詔獄孟明適為之副羣小構陷

東林孟明從容語顯純連染太多於鉤黨者則快盍亦自為他日地乎顯純亦為聳動後先縱舍幾四十人又佐顯純定爰書坐贓皆無左證豫為昭雪地羣小調知之旋聞逐孟明去大獄遂成崇禎

初起都指揮使
掌衛事尋卒

本朝

劉漢儒

大城人前明
天啟進士入

本朝任左都御史漢儒天性孝友事孀母承顏順志事
兄嫂以敬撫子姪以慈處宗族鄰里恩情篤摯周
卹備至立廟居官忠蓋廉直校禮闈掌計典矢公
矢慎士沐薰陶人稱藻鑑云卒於家

欽賜

祭葬如例康熙六
十年祀鄉賢

郝傑

字君萬霸州人初父鴻猷將之延長令延左
右皆賊壘傑戎服衛父行經賊巢叩壁假道

賊壯而許之登崇禎丁丑進士
本朝順治元年授戶科給事中上言皆切時政歷官大

理寺卿時重囚不時報決傑請復熱審秋決舊例
允之尋陞戶部右侍郎請

告歸里尋卒康熙

四年祀鄉賢

朱萬祺

字敬迓涿州涿鹿衛人年十九補涿州學生
李自成陷京城遣兵徇涿設偽官屯偽卒萬

祺鳩義士十餘人奮誅其衆城中推為帥守備粗
具賊衆薄城隨方備禦賊多死傷自成怒親率其
衆蟻附緣城萬祺舉礮擊自成中其蓋自成驚遁
城得不陷

本朝定鼎

世祖章皇帝特授為涿州叅將

恩賜冠帶裘靴萬祺大度有容犯而不較武弁胡毅曾挫

辱之後屬鈴轄懼不敢見萬祺召諭之曰昔韓信且不

計惡少但悞公事不爾貸

耳後佐理河工以勞卒官

張元樞

良鄉人進士順治初任處州推官嚴勾引營兵賭博之禁按行屬邑踏勘荒田請蠲逋賦

時寇氛未靖間有株連輒膏宥之其他修學課士尤多善政處民至今稱頌

丁林聲

通州人順治初以舉人任慶符令地經變亂人民離散林聲抵任後招徠撫綏流民稍稍

歸集邑向苦楠木差役林聲力請豁免民感德之雍正二年祀鄉賢

袁懋功

字九敘香河人父邦化明山西沁水丞攝縣事有政績懋功登順治丙戌進士授戶科給

事中掌刑科建白皆闕大計晉太常卿累遷吏部侍郎順治十七年滇中初定

特簡懋功為滇撫

特旨許以叅將一員隨贊戎務

賜袍馬并帑金三十俾治裝皆異數也懋功至滇恩信周

布時吳三桂驕蹇日甚懋功靜以鎮之三桂部曲

無不愛重在滇九載遠徼寧輯以父艱歸服除起
山東巡撫卒諡清獻兄懋德以歲貢生官至通政

使居鄉以德行
稱並祀鄉賢

陳

協

字念蓋文安人順治丙戌進士授中書舍人
選給事中疏請定賦役諡典及修復大同城

恩賜

祭葬如例康熙三年祀鄉賢
開修畿內水利累遷戶部侍郎總督倉場及卒

王景祚

字迂叟文安人父守明以德行舉鄉飲大賓
景祚登順治丙戌進士授太原推官累擢僉

都御史順天府尹清慎廉介歷官三十年不異寒
素康熙七年河決文安濱河地多不可耕景祚疏
請豁免民賴其利
父子並祀鄉賢

張士甄

字繡紫通州人順治己丑進士選庶吉士授
編修累官刑部尚書持法平允務從寬大改

禮部又轉吏部掌銓三載謝請託疏壅滯公慎自矢朝論歸之常奉使祭恒霍諸山途過山西裁兵憫其無依為設地屯處河東鹽課積逋壘商之苦賠累疏請豁免後引疾乞休卒於家族弟士堯順治初以貢生知高苑縣過歲饑賑恤有方全活甚衆士堯康熙壬子舉人由教諭陞永安令亦著循聲雍正二年並祀鄉賢

高光夔

字念侶文安人順治己丑進士改庶吉士授編修出為揚州兵備道值海寇頻警大兵將

掃蕩淮揚光夔力為護持全活無算至今淮揚猶尸祝之康熙三十年祀鄉賢

雷一龍

字伯復通州人順治己丑進士知汝上縣修學宮革羸羨理雪冤獄邑人稱為神君擢刑

科給事中彈劾不避嫌怨從子湛順治乙未進士歷官戶部郎中亦以賢能稱雍正二年並祀鄉賢

徐化成

字文侯昌平州人
事母至孝順治八年由貢生歷知台州府值亢旱虔誠步禱甘露立沛

鎮兵月糧偶缺譁於途檄催黃太二邑暮夜米至兵利在舟即給化成慮有變詣江潯運貯天寧寺
猶猝夫不繼化成徒步率衆役挽攜百姓聞之爭先來助頃刻而畢升合無耗人咸服其敏幹陞山西
寄嵐道副使
官至湖廣巡撫

楊正中

字爾茂通州人
順治戊戌進士選庶吉士授編修正中少有至性年七歲喪父哀毀如成

人及長砥節讀書既貴顯益以清慎自持累官禮部侍郎時天下又安釐正百度正中考據精詳為
時所稱重雍正
二年祀鄉賢

李含春

字梅谷通州人
順治戊戌進士除保定府教授累官鴻臚寺卿弘獎後進務崇實學嘗言

士先器識而後文藝若本行不存而珥華繪藻非所貴也朝野稱之雍正二年祀鄉賢

馮壯

字駿法保定縣人順治戊戌進士授德清知縣潔已愛民禁陋規革耗羨嚴編審豁通租

善政具舉遷知廣西全州以艱歸至今浙粵之民猶誦思不置康熙四十九年祀鄉賢

趙之符

字爾合武清人父完璧由薦舉任榆次令有惠政之符登順治己亥進士選庶吉士授戶

科給事中掌吏科在諫垣十有三載前後建白不下數萬言累遷左僉都御史子璘琮瓚珣璘由舉人官惠州知府修海塘以興水利琮登康熙癸未進士有文譽瓚由舉人知河南西平縣值歲饑不俟申請開倉賑粟人比之汲黯召信臣珣登康熙壬戌進士累官河南提學僉事擯絕苞苴振拔寒畯中州士大夫翕然稱之三世並祀鄉賢

張鴻猷

字匡鼎通州人順治辛丑進士累官廣西提學僉事粵西地介蠻服又經兵火後向學者

寡鴻猷加意鼓舞文風丕變持操堅卓僚友俱不敢以私相干雍正元年祀鄉賢

崔應鳳

霸州人順治年由歲貢生除鎮遠令值土寇賀珍攻城應鳳誓衆死守城賴以全遷知朔

州康熙二十年祀鄉賢

陳

慎

文安人以明經為崇明令邑多海盜慎捍禦有方順治十一年張名振據平洋沙慎燒其

船隻俘獲無算又破鄭成功船數千艘由是寇不敢入境事聞擢知州卒

贈布政司叅議照難臣例
諭祭葬廕一子入監康熙四十五年祀鄉賢

紀

愈

字孟起文安人康熙丁未進士授內閣中書遷兵部職方司主事擢戶科給事中掌工科

愈夙具偉畧歲己酉土寇搜城愈倡先守禦邑賴以安康熙十二年隨大將軍勦江西逆賊恢復撫州勸止殺戮全活甚衆或遺以所俘婦女貯之別室訪其夫還之康熙三十二年入祀鄉賢仲弟吳以博學宏詞應召季弟元先中順治十二年進士官淮安府同知皆愈友愛訓勉之所致云

高 裔

字素侯宛平人康熙丙辰進士由翰林提督江南學政凡科歲試所拔弟子員置前列者後皆擢巍科或為世名儒得人之盛世比之敬輿永叔云裔少時父以吏事謫遠左裔發憤成進士

伏

闕上書求代已逢

恩赦

歸裔以孝聞天下後累

官大理卿卒祀鄉賢

季 煒

武清人康熙癸卯舉人初任饒州府同知擢員外郎出為山東沂州道累遷巡撫山東都

御史勤於官事振舉積玩聽斷嚴明屢雪冤獄性廉介任巡撫時陽穀令託進阿膠藏金數千立斥却還雖歷顯官家無餘貲卒之日篋中惟圖書數卷而已康熙四十三年祀鄉賢

王簡文

通州人康熙乙卯舉人知武寧縣在任十年以恩德化民盜賊遠跡亦無以人命犯者縣

人為立生祠簡文中年乏嗣其妻兄為置一妾訊之乃舊家女為饑寒所迫簡文即時遣嫁人稱其長厚焉雍正二年祀鄉賢

永平府

明

宋弘道

樂亭人洪武進士授御史有聲尋遷河南左叅政以老乞歸琴書行李惟一輓輅而已再

起僉都御史不就

溫原

樂亭人洪武中以薦辟仕至僉都御史有直聲

李恭讓

玉田人洪武中為漢陽知府為治簡靜民賴以安稱良吏焉

王銳

遷安人正統進士授崇明知縣擢彰德知府政尚嚴察吏民畏之如神姦人莫敢入郡地

成化間巡撫延綏討平土寇陞左副都御史致仕

張文質

字允中昌黎人正統進士授工科給事中遷通政使累陞禮部尚書重厚有容歷官四十

餘年無過舉子忱亦舉進士官兵部郎中

趙玉

遷安人正統舉人授高唐州知州陞漢中知府俱在任九年歷著治績引疾歸家居十年

平心率物鄉人推重焉

韓志

字英氣昌黎人父文以靖難功官大寧都司指揮僉事志散職從征有功正統間調邳州

衛撫養士卒時練以司馬兵法下皆畏而愛之十四年虜入寇被薦入衛景泰中從武靖侯駐大同天順初平逆賊曹欽累官都督府同知英宗時命帶刀侍衛寵遇日加致仕歸卒

劉宣

江西吉安人成化龍衛景泰進士授編修累官至南京工部尚書名德為時所推重

杜謙

字益之昌黎人景泰進士授主事以姚夔薦出為浙江布政司入尹京兆拜工部侍郎致

仕歸謙居官善理事平易明決民懷吏畏時定賦役等第按察使欲增損其則而盡貸無產之家謙以此輩皆游民而令賦役獨歸力穡之農非重本抑末之意卒從謙議歲役特奏免田租若干舊有

起運存留之數戶部以起運者不可免而止免存留者謙言若然則一省官俸軍餉俱乏矣二者必增損之乃可執奏不已朝廷從之

子源亦第進士官至青州知府

周

斌

字國用昌黎人景泰進士除御史天順初劾石亨曹吉祥諸不法事下獄謫江陰知縣擢

知開封府終廣東右布政使

閻

鼐

字仲輔灤州人景泰進士任御史巡兩浙禁中官暴橫清鹽鑛奸笑人以閻羅目之謫廣

西平南主簿陞諸城知縣掾履一致卒於官

陳

恕

字達道梁州人景泰舉人以德行稱仕至開封府同知折獄立斷吏不敢近案一語河汴

屢決請發帑羨躬督築塞保全腴田數百頃考滿乞歸送者塞路行李蕭索人不識為宦者

蕭

顯

字文明山海衛人成化進士擢兵科給事中

是有武臣中官怙勢求賞顯批奏尾駁其功坐
是賈怨勿恤也涿州巫邪術蠱衆抗章劾之言極
剴切留不報左遷鎮寧州同知累陞福建僉事領

屯田事勸督交至民相率
輸納歲無留逋尋乞歸

李

金

遷安人弘治進士官戶部員外郎有貴戚誣
占民田勘實歸田於民孝廟奇之書名殿壁

擢知德安府賑饑節冗白疑獄平劇盜周濂等
以神明稱歷任山東副使道次于涵官布政使

魯

鐸

撫寧人弘治進士官大理評事劉瑾擅權有
黨繫獄欲出之鐸不從竟置之法忤瑾以他

事謫河內縣丞瑾敗轉沂水
令歷官至山東分巡海道

朱

鑑

字緝熙盧龍人弘治進士歷官青州知府致
政家居以禮法自持里中嚴憚之如王彥方

云

王

翰

昌黎人正德進士授行人以直諫被謫卒贈御史

翟

鵬

字志南撫寧人正德進士授主事出守衛輝上計考天下第一巡撫寧夏釐奸革弊著有

籌邊錄進兵部侍郎總督宣大等處以抗直被逮卒於京穆宗初復原官

王

輔

字良佐灤州人正德進士官河南副使時劉瑾解八萬兩輔曰此民膏血我甘鼎鑊不從

瑾憾之中以他事謫陽城知縣以疾乞休

高

擢

字士元灤州人嘉靖進士官給事中歷副都御史有直聲風裁尤凜提督擦江芑苴絕迹

晚鑒偏涼汀
歸年九十卒

詹

榮

字仁甫山海衛人嘉靖進士以戶部郎中督餉大同大同帥李瑾馭士嚴衆誅攻殺瑾詔

遣劉源清討之不下謀灌城榮曰雲中重鎮以數十叛卒隳其城非計且鎮人何罪而以為僇乃察賊黨有才畧可用者貸其死界三十金使自募士遂計擒亂首九人斬之內外警服榮乃開城門入拊循城中人歡呼動地曰微詹公我曹皆魚肉矣論功晉先祿少卿累擢僉都御史巡撫甘肅威德兼施境內晏然移撫大同邊備大修虜入輒創去晉兵部侍郎以病卒

王

鎬

字宗周潞州人嘉靖進士官御史巡按河南蠲贖醵出餘帑大築黃河堤連護十城全腴

田萬頃遷湖廣叅議提督太和山至則督發中貴人贓幣人以天神目之轉按察使禁戢宗室為暴者數人王以書來投檮中封之或於法得釋使來謝乃引使至檮取書還之實未發旋撫寧夏召回

京以忤嚴
相乞歸

趙德佑

字元吉盧龍人曾祖忠由永樂舉人任刑郎以行誼著聞德佑登嘉靖進士甫三月選御

史巡按應天疏糾輔臣羣黨側目累官陝西行太僕卿致仕歷任二十七年以清介終始焉

李充濁

字澄之永平衛人父時官知府充濁登嘉靖進士知葉縣收黃山巨寇民德之為立祀與

楚葉公漢王喬為三令祠擢給事中屢上封事歷貴州布政使疏歸第充拙與充濁同擬鄉科官至

南通州
知州

谷嶠

字惟升豐潤人嘉靖進士有平賊功累官郎陽巡撫萬歷初交薦不起

盧耿麟

字仁淑灤州人嘉靖進士官工部郎轉江西僉事多洗沉寃駐大同督修五堡巨鎮賴以

永安世
廟褒之

闕

傑

盧龍人嘉靖舉人任荊州推官以治行擢石州知州引疾歸

馬

俊

豐潤人萬曆進士擢御史改給事中敢言無避凡七黜不易其介

韓應庚

字希白盧龍人萬曆進士歷御史出按甘肅再按山東政績甚著年四十七卽引疾歸七

徵不起

王大智

字濬宇玉田人萬曆進士授西安推官能折豪強庭朴吏部尚書孫丕揚壻丕揚聞而喜

曰有擔當人也擢主事清簡著聲歷官太僕卿致仕

馮時泰

字虞廷山海衛人萬曆進士歷官遼東廣寧叅議常築造大定老軍臺堡十數處後以事

被逮遼民欲詣闕訟冤總督顧養謙止之乃極疏
辨雪執政趙志臯張位司馬石星皆交章救之卒

不白以疾
死獄中

石維嶽

字五峯潯州人萬曆進士官刑部主事李承
恩下獄法司希魏閹意擬辟維嶽抗言曰殺

人媚人當何律出守懷慶傲宋趙忭凡晝行事夜
必錄卷焚之以告於天遷長沙副使以鞫岷王獄

株累謫
戌卒

本朝

高

選

山海衛人少有膽畧明末闖賊攻逼河西石
城選知

本朝大兵且至輕身赴賊營給賊緩攻次日大兵破賊
間道來歸以功授山西交城令城西交山連接秦

晉綿延千里渠魁祁三聚衆抗拒選伏兵擊之搗其巢穴交山遂平

特擢知平陽府左遷

廣信同知卒

石

申

字仲生灤州人副使維嶽之子順治丙戌進士選庶吉士授檢討歷官戶部左侍郎清正

廉明朝野推服卒

贈吏部尚書康熙十六年祀鄉賢

劉鴻儒

字魯一遷安人父光裕有行誼鴻儒登順治丙戌進士歷官戶科給事中

國初額賦未定吏胥因以為奸沝擾滋甚鴻儒疏請頒賦制以甦民困

詔從之又條上京東鹽法語極切直其在通政有尊諭陳言疏在兵部有請開海禁疏在戶部有酌議錢法疏

及官都憲疏免通賦復論封疆大臣不宜拘以文法聽任事之心請勅部破例以收實效為科臣所

勅歸康熙三十八年父子並祀鄉賢

李及秀

字公愚玉田人東平知州本植之子幼孤事母以孝聞登順治丙戌進士歷官戶部郎中

遷御史按河南上疏百餘人避驄馬馬卒祀鄉賢

余一元

字占一山海衛人順治丁亥進士授刑部主事改禮郎服官清正不激不附擢員外郎遇

事敢言凡所建白多中肯綮以疾告歸屢徵不起著書講學啟迪後進多所成就焉康熙二十一年祀鄉賢

趙映斗

遷安人順治己丑進士知陝西吳堡縣寇亂之後邑殘民貧加恩撫輯有廉能聲

胡來相

盧龍人順治進士為元城令時大河以北萑苻未息來相矜撫流亡開諭恩信賊相繼寧

附以卓異擢監察御史有寒謬聲巡按河南首以除盜為己任區畫戰守動中機宜尋遷太常寺卿卒祀鄉賢子三祝官至河南道御史

桑開運

字雨嵐玉田人少有大志不屑細務登順治乙未進士歷官廣西布政司叅議著有恤刑

策畧日省撮要以敦倫紀善風俗為首務平生拯人之危恤人之急親黨藉以婚葬者甚多時咸目為長者卒祀鄉賢

陳性天

樂亭人順治舉人應鄉試於旅店得遺金絨不開視閱九日失金人號泣來覓原封與之

授宜川令地與米脂接壤閭閻賊亂後人民凋弊撫字勞成六七年間境內大治去官日邑人建清風閣以誌遺愛康熙五十年祀鄉賢

張翰宸

昌黎人廣東惠源令有惠政擢知長沙府潔已率屬聽訟雪無辜九人獄無冤滯以老乞

歸康熙二十

年祀鄉賢

曹首望

豐潤人拔貢生授內閣中書舍人權蕪湖關凡不利於商不便於民者悉除之擢儀部郎

出知蘇州府蘇郡水陸交衝供應繁雜會赴浙閩兵過郡縣令弗能支撫臣輒以委之首望至則刻期辦事兵無騷擾境內安堵如故抵任日焚香告天誓不取一錢始終無改節為廉吏最以病乞歸

卒康熙四十

九年祀鄉賢

蔡毓秀

昌黎人初任浙江奉化令修學宮造戰船平徭役清戶口不以絲毫累民時檄奉民運糧

至象山給兵毓秀以奉邑地瘠民貧力詳請免奉民德之擢山西永寧州牧善政尤多毓秀性純孝

父歿於軍以隨征不獲守艱痛哭累日母卒廬墓九載雍正元年祀鄉賢

郭仲金

山海衛人以孝聞由明經為良鄉教諭訓士有法有蘇湖安定之道風擢平陰令政簡刑

清教養備至任所不攜眷口衙署用度一皆取之於家羣稱廉潔以卓異遷安陸府同知卒於官康

熙五十四年祀鄉賢

董鉅

豐潤人由明經授渠邑令時吳賊初平多方守禦有保障功改潞城值歲祲奉

旨出倉穀

以賑黃河水阻鉅奉檄調發不二日而陸運三萬餘石由潼關達長安民得以甦歡聲動地以憂

歸補湖廣江陵縣築堤以捍水患民咸德之西陵有有地無糧者有有糧無地者鉅一一徹查抵補

一時翕服紅苗竊發峙糗糧備方畧不數旬殄平之以老乞歸康熙四十九年祀鄉賢

譚從簡

山海衛人由副貢授靈邱令興利革弊有能聲再知河曲婁縣改孟津摘奸發伏人以神

明目之討吳逆日屏當軍需有條有理以薦擢知晉寧州剛柔並用人畏其嚴又樂其寬士民皆安堵焉以老乞歸康熙

五十四年祀鄉賢

宋國賓

遷安人由貢生知陝西隆德縣剛方果斷卓有政聲隆邑賴其保障後候補家居讀書山

村人重其品

張作礪

玉田人拔貢生知山東招遠縣招邑丁糧獨重於他邑民多避役逃亡礪至適當編審力

請豁免民大悅擢嘉興府同知閩疆告變延及溫台礪經理過往兵馬鎮靜無譁民得安堵入嘉金兩郡及招遠名宦本邑祀鄉賢

穆廷栻

字符公山海衛人康熙丁未武進士初授蔚州路守備整飭營務有敏幹名康熙四十年

以永寧協副將

陞見陞授蘇松水師總兵官五十二年冬奉

旨押江南漕米十萬石從海道運交閩廣賑饑無悞特簡江南全省提督五十四年調補福建陸路提督六十

年臺灣告變廷栻統精銳厚賞犒廈門策應反側瓦解嗣因閩疆米價翔踊會兩臺設法平糶兵民咸慶勦平永春德化安溪三邑小醜以勞卒官遺疏

閩贈左都督

賜祭葬廕子光祿寺署正

保定府

明

何禮

清苑人洪武時以才行異等舉薦歷兵部尚書奏准令各省衛馬草不許徵收馬料不許

支給其各衛軍士年老者許替役又奏准天下衛所善射者十選其一於冬月赴京師校射賞罰有

差禮歷任清勤人物推重

高嗣興

唐縣人洪武中以秀才上疏敬陳王道奏官民利病太祖嘉獎即擢兵部主事累官至尚

書多所建白

劉知微

清苑人洪武中為禮部侍郎凡有建白悉見採納使安南宣布威德國人畏服卒於使所

視歸予祭葬

邸鵬

唐縣人洪武中進士擢御史廉直敢言當坐法籍其家止木匙二張木筋五雙故鄉物也

遂復其官

楊

澤

定興人起戎行有勇畧以靖難功累陞山西都指揮僉事永樂中北征有功加都督同知

張

哲

蠡縣人永樂進士任大理評事有寡婦私與人通忌其子誣以不孝繫獄哲令獄卒以計

得其情子得釋時久旱是日大雨咸以為洗冤雨遷江西僉事捕獲巨寇葉宗劉等特賜金帶以僉

都御史撫雲南卒

楊

瓚

蠡縣人永樂進士任山西趙城知府廉能有聲為天下賢令第一陞鳳翔知府復以賢守

賜宴并衣一襲遷浙江左布政使陶得二作亂諭平之

王

哲

清苑人永樂中由鄉舉入太學擢監察御史歷官湖廣布政使哲廉正嚴明所至有聲民

歌之有曰心無私人不苦囊
無錢衣有補民愛之如父母

馮珪

安肅人永樂中以舉人授南京理問折獄詳
明陞行太僕寺丞禁革奸弊馬大蕃息擢太

僕卿
致仕

吳祥

蠡縣人永樂中知嵩縣為政寬和逋民自歸
者二百餘戶縣向有猛虎劇賊之害祥禱神

祈逐未幾獲虎二十餘賊黨亦各散去邑賴以安
秩滿當去吏民詣闕請留許之在任三十二年卒

李敏

字好學新安人宣德初以舉人歷安慶鳳陽
兩府同知有治績累遷應天府尹寬嚴兼濟

士民敬愛景泰二年陞戶部侍郎代周忱
撫江南尋加尚書專督漕儲以疾致仕卒

王瑾

安肅人宣德中由舉人知咸陽縣鋤強植善
興學勸農丁外艱歸民思不置陳於上特旨

奪情視事尋以秩滿新尹來代民猶不忍其去復陳於上特晉六品秩留任二年擢延安知府九載考滿撫按各具軍民請留狀詔允之加三品秩陞河南布政使卒

宋

傑

字廷英定興人宣德中進士累官右都御史巡撫蘇松傑和厚質實歷任中外垂四十年

所在以靜鎮稱

馬

恭

唐縣人由鄉薦任杭州推官正統二年擢御史奉命巡邊協贊延綏軍務景泰二年以殺

賊功遷右副都御史恭在邊十年軍政修明兵民咸服以疾致仕

李

俊

字文英定興人以明經薦擢御史正統十三年勅董浙江銀冶處州盜起俊督兵勦捕賊

散去明年賊復合攻處州城空無備俊誓衆死守命善泅者潛出調兵水陸夾攻大破之賊平擢山

西按察使屢雪冤
獄以忤執政歸

田景暘

字時中高陽人景泰進士授御史以敢言稱累遷大理寺卿持法不撓詳讞平允進禮部

尚書

馮貫

縣人景泰進士擢御史東公執法風裁凜然陞大理寺卿每議辟以天理為先人命為

重歷陞南京工部尚書
老成持重為一時儀型

楊宣

新城人景泰進士累官禮部侍郎掌鴻臚寺曹石用事宣疏劾之一時傳誦

王道

縣人景泰進士初授行人歷戶部郎時荆湘流民倡亂山谷道請郡縣其田悉入編戶

亂遂沮累官副都御
史撫鄖陽有靖寇功

王宗彝

字表倫東鹿人景泰進士累官四川叅議戢平松茂諸番遷河南叅政勦捕劇賊馬鳳等

歷陞提督遼東軍務都御史致仕

賈俊

字廷傑東鹿人景泰中以舉人授御史五為巡按所至獎廉斥貪鋤梗植弱成化中歷遷

工部侍郎河南饑奉勅往賑多所全活未幾還尚書致仕

韓文

字貫通新城人天順進士授行人擢給事中奉使琉球嚴禮度宣上意辭所餽儀物還為

戶部郎會畿內山東水上疏陳便宜十事遷陝西叅議削平岷寇擢撫寧夏文器宇宏潤以平易為

政時人稱之

吳櫟

博野人天順進士授禮科給事中遇事敢言歷官陝西布政使闕中饑條陳救荒數策皆

見採納擢湖廣巡撫都御史德威
並著尋進總督南京糧儲致仕

楊

潭

新城人成化進士授刑部主事累遷戶部尚書潭有文武才征流寇修運道屢著勲節性

端慤武宗常稱為
版楊以年老致仕

丁

鳳

字應詔蠡縣人成化進士授戶部主事累遷順天府尹活繫囚數百進戶部侍郎正德中

以左都御史督三邊著
武功世蔭錦衣百戶

王

寅

字敬夫容城人成化進士剛正嚴介官大理却金以正死刑歷廣西按察使征苗有功累

陞工部侍郎理易州山厰完通負
二十餘萬改戶部以忤劉瑾歸

張

謙

清苑人成化進士授禮科給事中建白皆關大體憲宗識其貌每於儔人中優異之命勘

兩廣大臣事跡以執法稱歷還南太僕寺卿條上馬政四事卒於官

劉

瑀

蠡縣人成化進士授御史出為蘇州知府郡素驕侈瑀以靜鎮風俗丕變擢山西叅政歲

饑盜起瑀賑貧緝盜民賴以安累遷都御史督南京糧儲凡巨猾積弊釐革殆盡

孫中

新城人成化進士任戶部主事以績著遷河南叅政累陞右都御史巡撫遼東未任卒廕

子紹錦衣衛總旗世襲

張貫

蠡縣人成化進士初授河南知縣累遷陝西僉事弘治中哈密犯順貫平之賜彩幣擢貴

州按察使以持法忤劉瑾左遷山西叅議旋起遼東巡撫都御史謹烽埃修城堡凡兵馬芻粟率有成效璽書褒之卒於官

侯

觀

雄縣人成化進士授登封令勤惜民隱時大疫觀禱嵩岳祈以身贖既而疫解歲稔部使

者以治行異等薦授戶部主事累遷戶部侍郎卒

劉

愷

字承華新安人弘治進士任刑部主事歷陞漕運副都御史山東盜起陳便宜十事徵調

兵馬屯拒要害河決鳳泗愷為文祭告河復故道尋陞兵部侍郎進禮部尚書卒

王堯封

字伯圻定興人弘治進士授襄陽推官讞獄詳明擢御史按兩浙有聲績累官至戶部尚

書卒

韓

璚

高陽人弘治進士歷四川按察副使整飭威茂兵備威茂居萬山中由疊溪達松潘五塞

蠻桑據山絕嶮運道弗通璚調兵屯襲其營且斬且焚五塞悉平陞湖廣叅政

馮

蘭

蠡縣人弘治進士授吏部主事遷文選郎中
方嚴明敏人不敢干以私累陞工部侍郎總

理易州山廩以清慎公勤受特恩加蟒玉卒
贈尚書蘭博學能詩所至題詠人多傳誦

郭

鳳

清苑人弘治中以舉人授荊州判清介為察
屬所憚陞萊州同知歲饑奉檄賑恤全活者

數萬人擢戶部郎假僧寮以居一僕一馬不私謁
燕會人呼為郭長老尋出守夔州未幾致仕歸杜
門不出同邑同年生王德明官中丞歸造鳳款以
脫粟藜羹步送村外返德明嗟嘆而去至今人稱
為雪稼先生鳳
所居村名也

王德明

字宗周清苑人正德進士除封邱知縣錦衣
衛指揮廖鵬倚兄勢凌侮長吏德明不為屈

嘉靖中歷山西巡撫討平巨寇常誠
心治晉府中尉不法事為所搆落職

南壽

滿城人正德進士授刑部主事武宗南幸抗疏諫沮廷杖幾斃壽不少惕嘉靖初擢知徽

州府蒞政不阿忤上官罷歸壽履素質實鄉邑奉為師表

高耀

字子潛清苑人嘉靖進士廷對策切言土木神仙事讀卷官不敢擬上第以二甲授工部

主事改吏部累官南京戶部侍郎改北進尚書值殿閣災征繕日煩度支不給耀斟酌損益前後疏凡數十上帝皆納之晉太子太保隆慶初致仕

何思

雄縣人嘉靖進士為戶部郎出守大同撫民戢兵邊郡肅乂擢副都御史巡撫宣大甚著

威望尋以疾致仕

賈衡

字守準東鹿人嘉靖進士授刑部主事遷工部營繕司員外郎值丙辰會試賜進士宴故

事瓊林宴坐次繕司先以繪圖呈首相時嚴嵩父子勢正熾世蕃見圖怒曰吾坐何側也衡曰有父翁在蕃曰朝廷大典序家庭耶衡曰爭父坐非人子禮爭殿上非人臣禮願執事熟察之世蕃默然未幾出為僉事巡河北世蕃

囑其黨以他事中衡罷歸

張舜元

字伯木慶都人嘉靖進士知吳縣請裁抑織造中使漁獵清巨室影射田土豪右斂手入

為戶部郎時嚴嵩秉政有竊其勢而侵負者舜元立限嚴追不三日得積逋二十萬遷河南叅議終以忤嵩歸自號堯山居士

王用賢

祁州人嘉靖進士知咸寧縣愛民好士召為御史糾劾不避權貴巡視太倉有聲出為靖

邊僉事營築延綏西陲叅議卒於官

王

鉞

清苑人隆慶中由舉人知武城縣倣社倉法勸民積貯後年饑散賑武城全活者三萬餘

擢魯王府長史王好游獵鉞多所匡正王甚憚之常出扇屬作書鉞書左傳虞箴以進後以親老乞歸

梁應澤

字射侯清苑人萬歷進士授戶部主事出守徽州時礦役橫肆應澤持法不為閹宦少假

擢河南副使攝河道事庫中羨金盈萬吏白是應取之應澤曰吾攝官非攝庫藏也累遷郎陽巡撫都御史時南陽加賦過正供有半應澤請減遼餉一萬五千有奇又均減三釐之派三萬有奇至今人猶德之

梁見孟

字醇字安肅人萬歷進士初為湖廣推官執法明允召擢吏部主事銓政肅清累遷湖廣

巡撫副都御
史卒於官

王家賓

字國重定興人萬歷進士為戶部郎權闕臨清值畿輔大旱家賓輒發額課三萬金佐賑

疏稱以朝廷金錢活朝廷赤子且地在輦穀賑恤宜先神宗不之罪官至布政使

張棟

字士隆安肅人萬歷進士由兵部郎出為蘭州兵備副使招徠塞外咸以為神進叅政萬

歷二十七年播州楊應龍反勅棟為監軍棟至重慶帥眾冒險先登士皆死戰遂入賊壘龍自縊棟以勞瘁卒贈太僕卿

郭存謙

字仲恭雄縣人萬歷進士授山東濰縣令歲饑傲義倉法設永惠倉以資賑貸擢吏部歷

至掌銓以陳奏忤權貴歸後起戶部晉光祿少卿時逆璫勢熾有為立碑頌德者存謙不書名以故

久淹冷曹崇禎初遷光祿卿以老告歸屢薦不起年八十卒

田一井

字尚助安州人萬歷進士為戶部主事通州倉有贏米請以賑流民出為山東副使監登

萊軍會白蓮妖人倡亂一井謂脅從可憫議主撫不用後視師海上至皇城島見流民數千悉以舟渡歸全活甚衆有天橋口往往覆舟一井別鑿港垂成海潮至一井屹立不動叱曰吾為百姓作福海神欲壞之耶潮遽退人咸異之未幾以忤上官歸

劉道亨

字時濟新城人萬歷進士歷任兵科給事中會有三王並封之詔道亨極言元子無封王

之條東宮無待嫡之例義正詞嚴以憂歸起吏科劾輔臣尸位結黨行私謫樂清主簿

王登三

鉞之孫萬歷進士歷任職方郎遭璫禍幾不免崇禎元年上覽玉鏡新談見登三劾逆黨

張體乾疏嘉其忠即召見授太僕卿未幾以病免歸

耿好仁

字育我定興人萬厯進士除彰德府推官廉平仁恕擢兵部郎天啟中累官僉都御史撫

寧夏論出塞功進兵部右侍郎廕一子

劉卓

字子振清苑人萬厯中舉人知潞城縣邑凋敝多逋賦卓至撫字有方催科不擾民德之

逋以完擢河州知州氓羗雜處素稱難治卓恩威並著境內帖然陞兗州府同知卒於官

劉不盈

字夙知卓之孫萬厯進士為工部主事權浙江闕課浮四萬餘金欲報部恐據為例以病商

民乃貯於庫日時有豐歉物有盈絀留備後人補額官至陝西按察使

師心

字子仁安肅人萬厯中舉人授遼東通判明敏果決陞代州守絕羨金除胥弊兵民畏懷

會御史某按晉修前郄調判登州適天津饑心督運百餘艘過之而津人若不知者其嚴整慈愛有如此擢守高唐陞彰德府同知引年解組歸

師兩助

字最又心長子萬歷中舉人歷官戶部郎中榷關蕪湖蠹弊一清出守常德撫輯兵民有

能聲榮藩欲漁取民間桐油兩助判歸於民忤上意即以病乞歸

師雅助

字叔達心次子萬歷進士官翰林檢討魏閣擅權素知其才以華居假之館雅助曰余故

有居小而安胡不以假無棲者詞婉而意嚴璫不懌罷歸

范錫

字子純定興人萬歷中以舉人知許州州多荒土錫設法開墾興水利得腴田二萬餘頃

又甃州城令民得以芻束贖罪久之山積用以陶甃費省而城繕完復引漢水為濠民至今賴之陞

大同府同知築陽和天城兩倉拒稅璫釐革撫恤多善政

郭鎮

雄縣人萬厯中以舉人為臨朐知縣值旱蝗鎮禳之忽大烏羣飛吞蝗吐於水者三日人

以為異聞父病乞歸不待受代封印而去

薛論道

定興人少有疾跛一足善屬文補弟子員習兵家言自負知囊說劍往來公卿間都下羣

呼為別先生也神堂谷有警論道倡議利用寡不利用衆制府用其策却十萬衆捷聞陟論道指揮僉事萬厯初戚繼光屯薊建議棄黑谷闕論道馳白制府力陳不可狀事竟寢以是失繼光意久之

以制敵擢三級加副將歸

張純臣

字良弼清苑人少工舉子業徙而學騎射中萬厯年武進士官至神機營副將加都督僉

事久歷邊鎮撫卒均役節餉
墾田有古良將風卒於官

常世爵

字紹德大寧衛人萬歷中武進士任滑石堡守備堡素無井民汲數里外夏多渴死世爵

至為文以禱泉忽湧出民咸異之後累官都督
同知世爵好讀書能詩文士大夫多與之遊

張鵬冲

字襟漢東鹿人天啟時以舉人為確山令有
惠政後備兵睢陳日夜訓練得勁卒六千人

流寇三十萬來輒失利去時土賊四起鵬冲悉擒
之轉戰永城斬賊混天王等賊望旗奔竄移鎮宣
府口北
道卒

吳憲湯

字式九清苑人天啟中舉人以工部員外郎
權關杭州處脂不膩清譽日著歸舟所載惟

圖書數卷而已明末棄官入山躬耕
自給足跡不入城市者二十餘年卒

管嗣章

大寧衛人崇禎時以舉人為兵馬司指揮會大盜起昌平嗣章捕得訊為襄城伯李國禎

家健兒嗣章卒置之法東廠有名擋兒頭者橫甚民皆側目嗣章捧太祖銅牌往擒之聲振京師擢

刑部郎出

守金華卒

王家祚

字五修新安人崇禎中由舉人宰鄆城甫下車輒出奇計捕渠魁盜皆股栗又佐充西道

李剿賊戴家廟賊平李心忌功向家祚索金許敘功家祚不為動曰鄆無金穴安用尺寸績為時兵

荒後趨郡泣陳民流離狀得免征民幸更生蒞任兩閱月心力過瘁以病移歸甲申變屏藥絕食

不數日卒著有禮記提綱二卷五經類語刪正二卷子之徵師事容城孫奇逢棄舉子業學務躬行

不事口耳博稽典禮亦著有尋樂集祀典考略行世

本朝

馮

杰

字邵闇高陽人
前明進士入

本朝授戶科給事中時荒亂之後畿甸民多失業杰備
陳安全之策俱蒙

嘉納累遷大理卿獄平允進戶部侍郎卒
恩賜祭葬如例

馮聖兆

字魯望東鹿人崇禎中以舉人任山西潞安
府通判為流賊所執脅降不從適

本朝兵至委攝兵備事尋擢僉都御史巡撫宣府順治
五年大同總兵姜瓖叛逆宣鎮兵弁乘機激士卒
將為變聖兆披誠撫諭之諱卒乃
安尋改撫延綏乞歸卒祀鄉賢

劉斗

清苑人順治初以教習王世子授兵部啓心
郎積九載擢宗人府旋晉國史院學士出撫

甘肅上疏陳邊要肅郵政覆報墾荒田清蕃漢地界悉荷

嘉

納後遷福建總督時海寇頻驚軍興傍午斗戢兵裕餉佐成大功八閩紳士勒石頌之斗少通

國書翻譯得其精義有譯寫傳文及清書淳化閣帖行世康熙五十七年祀鄉賢

高景

字仙斗新安人父三位家居以德行稱兄旻令鄒邑有惠政祀名宦景登順治丙戌進士

授湖廣道御史出按宣大以事左遷回籍值土寇數千人乘大水以輕舟泊城下城素無守具幾危者再景率進士楊行健等晝夜捍禦出奇兵擊賊殲其渠魁餘黨遂散起補山東鹽運司經歷累遷通政使司進刑部尚書卒居鄉時常捐金設立義學以教鄉之子弟邑大祲設糜以賑饑民全活甚衆巡撫上其事

世祖

章皇帝御題恩褒尚義四字以賜之康熙二十一年祀

鄉賢

于嗣登

字岱仙安州人父崇慶由舉人歷部郎嗣登少以孝聞初領鄉薦以祖母疾不赴公車州

長造廬敦迫見其誠惻然曰孝廉何減李令伯耶太息而去登順治丙戌進士授御史按兩浙鹽鹺部內有大猾為害積不能制嗣登抵任捕真之法累官刑部侍郎多所平反爰書有不當者必力爭之曰人命至重吾何惜一官時人稱為今之于公康熙五十八年祀鄉賢

劉霽

字壘楚高陽人順治丙戌進士授河南武陟知縣悉心撫字值歲饑賑活甚眾累遷浙江

提學僉事登拔才俊得人稱極盛云卒祀鄉賢

崔成名

安肅人初為諸生貢入太學順治三年以廷試前列擢知廣德州時南賦雜費浮於額又

畿民解芻糗赴楚所費動以萬計成名屢向上官陳請民賴甦息遷真定守有貪吏持金懇貸不法事成名寄其金於庫事聞擢浙江副使會王師討粵成名詣親王陳弔伐大義約束軍弁所過

居民安堵後遷鹽法道歸卒

張 呈

字岫公清苑人順治丁亥進士授刑部主事平反薊州王姓冤獄其人囊金來謝呈峻拒之累遷湖廣僉事分巡岳州時楚南新附戶多逃亡呈撫綏招徠流民四集至析衙署為居民尋以

母老乞歸尋卒祀鄉賢

李印龍

雄縣人順治己丑進士知閩之寧德縣值海寇侵城印龍誓眾死守發大砲以擊賊賊解去城賴以完累遷隴左道副使奉檄於軍前督餉出納惟慎措注有方督師大臣深倚賴之於康熙

五十三
年
祀鄉賢

李如芳

字仲淵高陽人少時遭亂祖父皆死於難如芳收遺骸於兵火之中負衣成斂祭葬盡禮

鄉黨咸稱其孝登順治己亥進士知四川鄧都縣威惠並施民懷吏畏鄧人勒石頌之卒祀鄉賢

韓薰光

字萬臣高陽人順治辛丑進士由知縣陞刑部主事事讞獄平允屢釋冤滯從兄雄岱登順

治十二年進士改庶吉士有聲館閣出為山海衛教授累遷禮部郎弟雄邁以舉人為高邑教諭雄嗣以明經為樂亭司訓皆有文譽兄弟並祀鄉賢

賈銳

字敏士清苑人醇篤靜默有介操順治初由舉人授山東沂州知州時閭孽未靖守禦多

勞事平一意撫恤草耗金罷雜役絕贖
錢與民休息擢慶陽府同知巡視茶馬

趙如瑾

雄縣人順治三年由舉人授遂昌縣知縣抵任即集士民博詢利弊逮一二巨慝置之法

豪蠹斂跡土賊嘯聚逼城竭力拒守遣役從間道走發請兵殲擊黎民晏然歲饑設策賑救全活者

萬計以循卓擢御史

師人淑

字子梅安肅人順治丙戌舉人署靜海縣教諭遷太學助教再遷刑部主事讞判明允會

有持法不平者人淑獨上議

詔嚴詰之人為汗下人淑覆奏詳晰考功擬褫究

世祖章皇帝復覽前讞詞以為然不之罪遷郎中尋陞榆林

兵備道按僉榆林古漁陽上郡地番漢叢居最不

易治人淑至多所興除殫心撫輯兵民始安人淑體豐碩性和緩且以大家兄弟拮据邊郡積勞成

瘁卒於官

趙之昂

字潔菴滿城人順治戊子科舉人授浙江淳安令有惠政民歌之曰趙公我母嬰啼而拊

擢御史時以籌餉百艱之昂言兵食出於民請飭督撫首察貪吏毋致妨農足兵即所以足餉也疏

入

聖祖

仁皇帝嘉納之累遷刑部侍郎常語人曰秋官職司明

允一有弗慎下筆如刀紙上鬼號矣康熙間引疾歸卒祀鄉賢

王稔占

清苑人順治舉人知雲都縣時山寇甫平餘黨尚多潛匿上官囑其具文申報欲藉兵邀

功稔占曰此曹特畏懼不出耳諭解之可立散若兵至良民必多塗炭不忍以千萬人軀命博一官也拂上官意罷歸士民攀號追送數十里不絕子儀恩貢生居家以孝友稱康熙五十九年祀鄉賢

楊爾淑

新安人康熙丙辰進士改庶吉士授給事中疏請杜加派以安民生奉

俞

旨通行天下累遷通政使司副淑賦性溫粹每廷議紛紜徐出一言是非立判咸稱服焉康熙三十八年

祀鄉賢

鹿賓

字鳴嘉定興人明太常少卿善繼曾孫登康熙士戌年進士知湖廣桂陽縣會有丈量之

令賓令民自為丈而親覆之不數日事畢民用不擾撫臣議開礦賓力陳不便事得寢任數年擢御史罷歸卒於家康熙五十六年祀鄉賢

李發元

高陽人康熙進士歷任廣西道御史出按兩淮鹽政力除積弊便民惠商課用饒裕

特

旨恩廕一子卒

祀鄉賢

劉世豸

雄縣人康熙年任淮安府中河同知值河水泛溢世豸親歷工所築堤岸濬淤塞居民無

患漕運以濟擢知廣東韶州府有奸徒扞網以數
百金求解大怒却之卒服其辜治數月廉直之聲
著於鄉邑去任後民謳思不
置康熙四十四年祀鄉賢

河間府

明

吳盛

景州人洪武進士才識過人累官刑部侍郎
明恕平允凡所建白多切時弊大獲聲譽

蘇瓚

字文玉河間人洪武中官部郎以直言謫崇明
令才能著稱尤盡心於農事官終工部侍郎

邊永

字仕遠任邱人正統進士拜行人使安南又
使占城又護哈密使人至甘肅景泰中復奉

使楚代諸藩足跡幾半天下未嘗少
通賂遺人稱其廉介後遷戶部郎卒

陸

矩

阜城人宣德進士歷刑部郎中正統中從征福建以贊畫功陞右僉都御史巡撫延綏所

至以廉介自守

倪

通

阜城人正統中由舉人任刑部主事遷陝西屯田僉事時屯田負租幾百萬通廉知為豪猾所扼奏請勒追不半歲而負者報完丁父艱歸起山西僉事擒逆虜糾貪吏風裁肅然尋以疾致仕

左

鈺

字廷珍阜城人景泰中舉人憲宗初以急缺風憲超拜監察御史按兩淮鹽課府強斂迹又按福建風紀大振遷陝西僉事奉命協守懷慶平賊有功進副使討平泯川叛虜累進僉都御史巡撫遼東改大同又改山西撫馭有方邊鎮寧輯後以疾致仕

于大節

字守正任邱人天順進士歷御史出按畿輔劾中官漫言擊寇出境之妄再按湖廣因地

震疏論時政八事忤憲宗降鶴慶府推官累遷山東按察使並著聲績大節素矜名節薄嗜好仕宦

三十年始

終一節

張瑋

字汝器錦州人成化進士擢御史弘治時累遷副都御史巡撫寧夏有威名生平端謹自

守不殖生產官終漕運總督

張玉

吳橋人成化進士授御史按陝西風振紀肅累遷順天府尹時民困於徭役玉條陳其利

害詔下廷議遂以為例歲減數千萬緡出撫遼東謹斥堠嚴烽燧敦信義軍民畏服尋乞歸

馬孔惠

字孝卿東光人成化進士授兵科給事中剛正自持彈劾不避權要凡所陳奏多裨時政

尋以論中官忤旨
左遷福建叅議

李

旦

字啟東獻縣人成化進士任刑部主事奏十
事曰正君心篤恩義收宦官惜名器絕珍玩

別賢否撫流民安畿甸整邊備納諫臣言俱
劉切疏入權貴側目坐是罷黜時論惜之

郝

鎰

字廷金河間人祖祥官思南知府有善政鎰
登成化進士由天長知縣擢南京御史出為

慶陽知府慶陽邊地民多穴處不知桑麻鎰至招
工陶瓦甃治屋廬教樹藝暇則飾公署學校百事
一新治為諸
郡最卒於官

都

勝

寧津人成化末以總兵官督漕運居
官廉潔日食止豆腐時因為號

孫

緒

字誠甫故城人弘治進士授戶部主事調吏
部父病乞省不得遂棄職歸起文選郎劉瑾

嘗械御史某於市緒力救得釋又却浙江守某賄金擢太僕少卿南陵丞韓思義貪殘席權宦張雄勢請書盈篋緒皆不答杖而治其辜雄叩之被中傷褫職世宗初詔復太僕卿致仕家居事母盡孝杜門著書有大學中庸放言易經奇語陂東新論四書小說語孟毛詩尚書雜義等集行世

屈伸

字引之任邱人弘治進士由庶吉士授給事中湖廣大饑請遣官發廩蠲逋減田租平冤獄黜貪殘罷不急役弛山澤禁帝即付撫按行之帝或宴起伸勸帝勤宵旰時御便殿引見羣臣帝嘉納焉伸在諫垣十五年識大體守正不阿及卒朝野惜之

李咨

字汝弼故城人弘治進士知襄陵縣歲大饑流離載道咨撫綏賑恤全活萬數改知丹徒擢御史出按河南陳州有大猾劉幹河南竹根山有劇賊董某靈寶諸山礦徒日相仇殺時號三害

咨至悉除之民庶歌焉
子獻可際可俱進士

鄺

璠

字廷瑞任邱人弘治進士知吳縣下車即有能名決獄若神奸民懾伏遷徽州同知改金

華屬縣蘭溪民居櫛比素患於火璠命拓其衢率五門潄水一甕自是不復延燒居民因名曰鄺公街擢瑞州知府劇寇陳福一寨華林擁衆來犯璠親甲禦之賊乘風縱火璠籲天風反乃率兵進斬直薄華林福一窮蹙率妻孥降又奉檄勦饒之姚源盜殲之都御史上其功降勅褒獎後以忤宸濠罷歸郡民肖像祀之璠弟珩亦登弘治進士官至平涼知府修河有功嘉靖中錄其績付史館

馮時雍

字子際政使方嚴孤介僚屬敬憚入覲至都餽諸朝

貴人各歷日數冊而已諸朝貴卿之竟致仕歸閉門養高建董子祠以惠後學士論重之

邊億

字本一憲從子弘治進士授戶部歷陝西僉事值安化王之變奉勅撫輯寧夏諸郡多所

保全遷漢南兵備副使除廢曹鄢喻四巨寇加俸服二級後陞湖廣叅政卒

及宦

字世顯交河人正德進士授給事中歷官右副都御史戶部侍郎精勤舉劾所至有聲其

在諫垣彈劾不避權貴奉詔覈錦衣冒濫請託不行性仁厚於鄉里貧賤多所贍給其卒也遠近惜之

牛

鸞

字鳴世獻縣人正德進士任益都令時巨賊劉六等轉掠山東所過城邑望風奔潰獨鸞

與樂陵令許達東西遙應屹若巨鎮賊常縱兵圍城鸞日夜拒守賊退鸞率衆躡其後疾戰大王橋斬獲無算賊不復東事聞擢僉事備兵青州嘉靖初擒滅顏鎮賊王壺又奉勅勦捕山西馬五寨巨寇陳卿即其地置平順縣鸞屢平寇盜聲望赫然尋以病乞歸

宋 諾

字子金故城人嘉靖進士授戶部主事累遷兗州知府兗直兩京孔道吏刑民散徵發驛

騷諾悉其利病凡所興除鈎校無不精核胥吏奸法輒繩以重典不少貸巡撫上其狀詔入覲卒於

都下

徐三畏

字子敬任邱人萬歷進士累官至三邊總制都御史屢有邊功加兵部尚書太子太保致仕

卒

本朝

劉三章

字逸仙景州人順治丙戌進士授懷仁知縣姜瓖之變櫻城捍衛城賴以全事聞

賜貂蟒擢戶部主事請免通草兵民稱便累遷福建漳南

道僉事值山寇倡亂三章勒兵勦捕以計擒其渠

帥餘黨悉平轉江南兵備副使卒康熙十六年祀鄉賢

郭之培

字生洲任邱人順治丙戌進士歷任浙江按察使吏抱牘於前次第批答悉中人隱吏驚

以為神事畢退署惟一子侍側之培天性淡薄鮮嗜好寡交游居官屏絕餽遺以清介著稱

左敬祖

字虔生河間人父鵬程有德行敬祖登順治己丑會試第一名選庶吉士授編修累官左

副都御史凡所條奏悉關民生國計多見施行博通五經六籍尤精於易所著有易經抄訓理學真傳等書行世康熙二十年父于並祀鄉賢

李儀古

字澄服河間人父天敘官平涼府通判有靖寇功儀古幼即凝重登順治己丑進士由庶

吉士累官內弘文院侍讀學士文章品詣海內景仰康熙癸卯典浙江鄉試簡拔盡一時名雋得士

之盛甲天下康熙
三十二年祀鄉賢

馬之駉

字道聞東光人少居父喪廬墓三年鄉黨稱之登順治己丑進士授行人累官陝西提學

僉事精明嚴正請託不行凡生童試卷悉自批閱不以屬幕友遂積勞成疾卒於官舍祀鄉賢

馬廷贊

字大還之駉族兄順治己丑進士知宜都縣時流氛未靖廷贊訓練鄉勇多方捍禦民賴

安堵在任數年田疇大闢地無曠土至今民被其澤卒祀鄉賢

劉子正

字坦公吳橋人順治乙未進士授章邱知縣勸農興學善政具舉擢吏部主事卒子正有

知人鑑順治丁酉分校山東鄉試康熙癸卯典陝西鄉試凡所賞拔先後皆成進士為名儒碩彥人

以是多之
卒祀鄉賢

王

琯

字錫湘交河人父禧以德行舉鄉飲大賓琯登康熙癸丑進士授陝西保安令邑在萬山

中兵火之後居民稀少琯至教民開墾栽種不二年儲粟露積牛羊滿山遂為樂土擢吏部主事出為雲南叅議分守永昌嚴飭官吏不得差派擾民閭境肅然撫禦諸酋威德兼著還湖廣提學副使屏絕苞苴振拔寒畯士紳立碑頌德琯瞿然曰吾但期上不負國恩下不負所學豈以求名耶乃力止之父子並祀鄉賢

秘丕笈

字德蘭故城人康熙癸丑進士累官陝西僉事提督學政杜絕請託凡所獎拔皆一時名

雋秦中紳士至今思之丕笈潛心理學所著有四書日抄行世卒祀鄉賢

天津府

明

李

琚

字宗璧鹽山人以貢入太學授戶部主事正統中遷郎中河間民有部運租稅者以白金

若干遺其家人而去琚立召其人責以大義還之生平清介大率類此

劉

燾

天津衛人嘉靖進士累官左都御史兼兵部侍郎素嫺韜畧屢著勲績有奏議數十卷行

世

張

遇

天津衛人嘉靖進士歷任右副都御史巡撫延綏蒞政明敏邊民輯服

鉉

默

字中象靜海人萬厯進士崇禎間為吏科給事中邑有巨奸陳雲漢假名屯田增賦害民

默以計剪除之邑人感頌官至副都御史

張

謚

南皮人萬歷進士授杭州推官讞獄平恕累遷山東按察司僉事備兵武定時盜賊充斥

設計勦捕境內帖然
進陝西副使乞歸

本朝

王公弼

滄州人明末進士入

本朝累官戶部侍郎度支出納公慎自矢性至孝痛母苦節一言一動必稟命而後行鄉黨稱之康熙五

年祀鄉賢

王文棟

字幹石鹽山人明崇禎末進士入

本朝授山陽知縣時軍需倥傯棟性勤敏諸務立辦淮水決田三千餘頃產去糧存棟力為陳請得豁免

有浙來弁帥以陳獲幼女贈棟棟受而歸於其父
後調知山東萊蕪縣卒康熙二十八年祀鄉賢

高爾修

字正菴靜海人順治己丑進士授浙江遂安
知縣時萑苻未靖爾修以計擒其渠帥脅從

之衆槩置勿問於是吏民戴德為建生祠以祀擢
刑部主事承劾大獄多所平反陞雲南道御史卒

祀鄉賢

湯裔振

字繩奕南皮人順治己亥進士初授四川南
充知縣時蜀中經流寇之後百里無烟裔振

多方招撫民始復業於是修學校平徭役頌聲四
播丁母憂歸起補廣東信宜縣釐剔奸弊百廢具
興擢平涼府同知值吳逆之變軍書傍午凡芻蕘
糗糒頃刻立辦遂以積勞成疾卒康熙五十五年

祀鄉賢

湯

鉉

南皮人由拔貢生擢知章邱縣邑號繁劇甫下車即草耗羨禁加派申雪冤獄奸宄斂跡

上官以才能薦遷大同府同知值歲饑力請賑救全活者數十萬後以墨誤左遷程鄉令乞歸卒康

熙五十五

祀鄉賢

紫克振

南皮人由貢生兩任平鄉懷柔訓導善於啓迪擢知山東諸城縣判獄明敏吏不敢欺邑

人稱爲仲君克振性倜儻每以片言解紛鄉里有爭鬪者多詣振剖曲直各得其情而去康熙三十

八年

鄉賢

畿輔通志卷七十四

欽定四庫全書

史部

畿輔通志卷七十五至八十五

詳校官監察御史_臣劉人蔭

檢討_臣德生覆勘

總校官進士_臣繆琪

校對官中書_臣葉蘭

騰錄監生_臣鄧培善

欽定四庫全書

畿輔通志卷七十五

政事

正定府

明

李

琦

元氏人永樂初召試御史會安南侵廣西地命琦往討琦授諭趙陀呂嘉順逆禍福之理

安南感悟遂歸侵地地還授御史宣德中占城與

安南交急復命琦往諭兩國遂和自是西洋諸番

有事悉令往焉所至款服

陞湖廣布政使甚得民心

邢

端

井陘人永樂中舉人官御史出為襄陽兵備副使性剛直蒞政守法不阿權勢時逆苗為

亂勦其寨三十餘所秩滿民詣闕保留復任三年

趙

白

無極人永樂中由歲貢累官湖廣右叅政性剛介寡合尤淡於勢利不趨權貴歷任俱有

能聲吏民畏服

張

舉

字孟賢樂城人成化進士授戶部主事監明智坊草場及宣武門稅課革除陋例一介不

私復督天津運軍採秋青草躬自督率劾諸奸弊以劉大夏薦擢守岳州按行屬邑罷民所不便十餘事衆心翕然卒於官

張

宏

正定人弘治進士官御史以抗節出為蘇州府推官累遷都察院右僉都御史巡撫榆林

宣布德威兵民愛戴後致仕卒於家

張

璿

字仲齋晉州人正德進士擢御史風采動朝

嚴緝訪明賞罰官吏畏威一時凜肅尋罷歸卒於家

呂秉燹

字性之晉州人正德進士知章邱縣時流賊四掠秉燹崇城浚隍日夜為捍衛賊不敢入

其境任滿當遷民泣留詔從之會大水浸城不陷民謠曰昔非此城吾其虜乎今非此城吾其魚乎仁人之利何其裕乎尋擢御史巡按宣大以病卒

許守謙

藁城人嘉靖進士授開封府推官獄明允著稱擢戶部主事陞郎中累遷僉都御史巡

撫山西綏緝兵民四境帖然尋遷刑部侍郎轉兵部以母老致仕卒贈兵部尚書

李春芳

字西屏井陘人由歲貢授祁縣知縣擢知保德州州素患寇春芳至嚴飭守具指授方畧

次年寇復至失利遁去陞兗州府同知時太原屬石州寇發撫按疏薦改註太原府同知管理石州事寇不敢犯民賴以安百姓感恩為立生祠上嘉其功擢寧武道兵備世廕指揮致仕歸子鳴世隆慶舉人歷知岢嵐東平二州亦多惠政

霍鵬

字搏南井陘人萬歷間進士由知縣陞南京大理評事出知汝寧府開河灌田民賴其利

累遷副都御史巡撫大同恩威並著在任五年遘園安靖以母病乞休暫准回籍抵里而卒

許爾忠

字貞爾井陘人萬歷中舉人歷官蘇州府同知檄治許墅鈔關清宿蠹減苛額一介不染

後為同官所陷降興安州知州修舉廢墜嚴行保甲除死亡丁千八百有奇陞藩藩司理以憂歸值

流寇薄城下躬率士民多方守禦邑賴以全

霍

鳴

井陘人萬歷中武舉歷官都指揮僉事鎮守榆關恤士卒繕城堡有保障功以母老乞歸

本朝

梁維樞

正定人明兵部尚書夢龍之孫萬歷舉人受業趙忠毅南星之門忠毅嘗曰風雅不墜復

見之梁生矣復從楊忠烈漣遊會逆奄起詔獄趙首被禍維樞傾身翼之楊銀鐺道出正定維樞往逐之大言檻車之旁曰公此行足以垂名竹帛死者公之本志豈足畏哉於時邏卒擲立人謂何不為門戶計維樞灑然不顧也尋授中書舍人入本朝為工部郎擢武德兵備武德多鳴騶暴客難以勦治維樞練營卒飭法令境內肅然絕苞苴恤徭役惠政流聞乞養歸所著有玉劍尊聞姓譜日牋內

閣小識見君子日牋等集
數百卷行世卒祀鄉賢

梁維本

夢龍孫天啟舉人性至孝積學勵行燕趙間學者爭師事之順治間由中書舍人累遷禮

科給事中丰采嶽嶽為一時大臣所敬憚所上舉曠典講儀節議遷轉明職掌興水利諸疏皆闕國家大計公忠懇惻悉蒙

嘉納俄疾作猶討論諸大政不急云卒祀鄉賢

劉元慧

字子濤正定人順治丙戌進士事親至孝友愛兩弟終身不忍析爨知山東鄒平縣請捐

逋賦萬餘金民困以甦會軍興自辦酒食芻豆供應不以絲毫擾累里社合邑德之擢主事遷員外郎累遷順天府尹清正公溥善良愛戴豪強斂跡歡聲動畿甸具生位祀府署邑公祠謂與孝肅無異擢副都御史東憲貞度遇會議力持公正一時號為直臣卒祀鄉賢

聖祖

仁皇帝嘗呼之為魏大眼巡視兩淮鹽課裕國惠商兩

炯炯

魏雙鳳

字雖伯獲鹿人順治戊戌進士知江西新建縣以勤慎稱擢御史抗直敢言奏事時目光

何澄

字誕登正定人順治壬辰進士任廣東瓊州府推官大案皆所裁決歷吏刑工三科左右

給事中直聲尋遷四川分守川北道綏靖教養為一時治行之最卒祀鄉賢

均得之累遷大理卿敬慎平反為法司所推重家居日敦尚孝友父母壽皆八十餘依依孺慕以遺產讓諸弟值歲歉為合族代納鞭銀不責其償創建易園書院集邑諸生講學其中多所成就官終宗人府府丞卒祀鄉賢

崔華

字蓮生平山人順治己亥進士性孝友七歲失怙哀動路人事伯兄如父官俸所入悉以

分之昆弟不私一錢初授浙江開化令遭耿逆之變城守武弁潛蓄異志與賊黨通率義勇奮殺賊衆五十餘人餘黨望風遁去完保疆圉以功加三級又詳請全蠲康熙十三年至十六年寇亂以來逋欠錢糧民困以蘇擢揚州守遷陝西莊涼道卒康熙三十二年祀鄉賢

劉應中

字養和井陘人順治拔貢考授餘杭縣丞詳禁陋規里民悅服嗣委解運荆楚兵餉監造

寧波海船尅期告竣接濟軍需陞武昌府同知丁艱歸服闋補潯州同知陞鳳陽府知府時屬邑饑詳請賑濟全活無數以承審解組尋起辰州府知府克復辰闕搭造浮橋重修甕子洞鐵線商賈仰賴紅苗竊發奉委監軍獲苗首吳老覽等三十餘人營將皆欲殺之應中力止不可後蒙赦免苗人感德為之立祠祀鄉賢

梁允植

字承篤正定人以恩貢生授錢塘知縣性明敏有幹濟才甲辰閏變總督李之芳移鎮三

衢巡按田逢吉督兵城守咸以允植為才命佐軍興調兵食支應滿漢大兵解餉解火砲鉛彈軍器前後運用船隻計萬有八千餘號夫役不計其數俱出召僱民無怨咨遷袁州府同知題留以同知

攝縣事平擢
延平府知府

張

經

贊皇人以明經授吉安通判擢溫州同知歷杭州順慶二府知府所在有政聲引疾歸會

里中大饑出粟救濟全活甚眾康熙二十九年祀鄉賢

許國璧

字元璞井陘人自嚴仲子中壬午武舉授山左裨將陞濟南府遊擊土寇猖獗統兵進勦

立功十一次擒積年巨寇孫南松周魁軒等七名以功陞叅將後任山西乙卯吳逆叛陝西延綏有

朱龍孫崇者相繼叛據神木府谷各處撫軍檄委駐防保德擒斬偽官恢復府谷縣城陞都督僉事管通州副總兵事國璧以武起家好讀書暇時與諸名士賦詩浮白舉座敬服俱忘其為武人也卒

祀鄉賢

順德府

明

左

獻

廣宗人洪武中由太學生歷官戶部主事以才能薦陞浙江布政司左叅議永樂初召為

刑部右侍郎獻廉靜長厚時論重之

馮

義

任縣人洪武中由舉人授給事中犯顏敢諫上甚重之居官未嘗為家計清節為時所推

官終四川
按察使

張

瑛

字子玉邢臺人永樂中為武德衛學訓導擢吏科給事中宣宗時陞行在禮部侍郎尋遷

尚書兼華蓋殿大學士既而命蒞南京禮部尚書凡再奏績當赴京上皆賜璽書以止其行其見委任如此性寬厚平居坦坦然若無所介意及臨事毅然不可奪人以此稱之

韓

翼

任縣人永樂間由舉人任主事時河決為患漕運不通翼奉命往治以功陞大理寺少卿

平獄緩刑民以不冤在官四十年始終一節卒於官

李

厚

字洪載任縣人成化進士初為偃師令剛明果斷豪猾斂跡擢御史彈擊不避權貴直聲

凜然時議雲南犒軍同列憚其行厚曰為臣豈可避難耶奮然請行比至滇處置有方蠻人懾服以

父憂
歸

張

達

字九達唐山人成化舉人授大同府同知政
尚豈弟得軍民心累遷太僕少卿時總兵張

澄等有功守臣劾其誘殺已降達明其
冤所活萬人由是邊將用命疆場以寧

王

密

唐山人弘治進士知新安縣擢南京御
史立志不欺奏事以實人咸服其公忠

謝

旻

字仁夫任縣人正德進士知長安縣政尚平
恕時中官劉瑾煽虐誅求四出民弗堪命旻

獨峻拒不應及去民立石繪像祀之擢戶
部郎撫定州礦賊屏迹官終陝西副使

王本固

字子民邢臺人嘉靖進士官御史按浙時倭
寇內侵姦人汪直為鄉導督撫欲誘歸正直

果降本固謂直罪首竟置之辟後備兵西寧蠻人
白事華人賄譯者反其辭為姦本固豫置象胥辨

析民不能欺官至
南京吏部尚書

達其道

字潛齋任縣人嘉靖進士累官副使督學豫州甫下車即集諸生誓之曰如有納苞苴而

遺樓械上負簡命下負士子者天實鑒之於是釐正文體振拔孤寒士風丕振奉詔優獎

陳松

字秀夫任縣人由鄉貢歷任太原濟寧至瀋府審理松為人剛明果斷所至剖決疑獄廉

能有聲

王翰奇

字英夫任縣人由鄉貢授濱州判攝新城篆安輯流離多惠政陞雲南鹽課提舉平土府

阿堂及叛臣王一新等擢遼東安樂州整肅軍衛士民德之

謝朝用

字達夫任縣人以鄉貢為德州判勸農儲穀備荒植柳萬株於漕河兩岸以蔭行人抵任

二載乞歸朝用風節慷慨
學行醇雅鄉閭多師事之

本朝

張紹先

字重光鉅鹿人萬歷進士授涇陽令累遷通政使熹宗時趨璫縫者至謂宜並祀聖廟紹

先力促批駁且云脫有不測願獨當之尋乞歸
本朝順治初起為光祿卿遷工部侍郎悉心殫職為一

時臣寮之望尋以老告歸卒
贈副都御史祭葬如例順治十四年祀鄉賢

徐養元

字長善唐山
人崇禎進士

本朝順治初授兵部主事歷官湖北提學道公明廉潔
士論歸之以憂歸杜門著書教學者必以孔孟為
法所成就甚
衆卒祀鄉賢

李閏

字剛中沙河人崇禎舉人

本朝授淮安通判清潔峻整郡人頌為李青天歸里後不干預一事嘗曰吾生平居官立身惟內不欺心

外不欺人而已卒祀鄉賢

楊思聖

字猶龍鉅鹿人順治丙戌進士選庶吉士授編修歷陞侍讀學士簡任山西按察使老吏

挾獄詞前立批燈披覽不三月了積獄三百六十案無濫無枉人服其神擢四川左布政使蜀當新闢百事草創思聖首以招徠為務網舉目張翕然從之入

覬還卒於途

贈工部侍郎祭葬如例康熙四年祀鄉賢

楊時薦

字賢甫鉅鹿人順治丙戌進士授聊城令擢兵部主事歷郎中累遷右副都御史兵部督

捕右侍郎小心敬慎數十年如一日嘗語人曰吾遭逢

聖主非

勤夙夜何以事一人忠愛之思溢於言表至捐金

修葺學宮值荒歲輸粟賑饑扶危濟困汲引士類

在鄉里尤多善行云康熙十五年祀鄉賢

李永昌

任縣人以明經授繁昌令時江南甫定永昌以靜鎮之人心翕然向化又補陝之通渭邑為邊隅沙磧地永昌加意撫綏民心悅服尋罷歸開門却埽澹然自得人咸推為雅量卒祀鄉賢

廣平府

明

張鏞

肥鄉人永樂舉人選序班宣廟偉其狀貌擢御史振舉風紀人避驄馬焉平涼寇發勅鏞

出守經畫攘却一郡寧
謚民立平寇碑頌之

張

斌

永平人正統進士任戶部主事忤權閹王振
謫戍遼東後復職清理浙江鹽法以剛正為

權奸所忌
中毒卒

馬

顯

廣平人正統進士授戶科給事中土木之變
顯扈駕北征幾沒於陣累遷四川左布政使

時蠻寇猖獗境內繹騷顯贊畫戎務調度軍餉蜀
賴以安帖秩滿復留任三年官至南京兵部左侍

郎告
老卒

郭

璽

字文瑞永年人天順進士改庶吉士授工部
主事有聲為中官王順誣奏詔搜其家惟圖

書敝衣布被而已上怒詔順切責轉璽兵
部郎英宗嘗書其名於御屏間以疾乞歸

王

濬

威縣人成化進士為御史巡按所至有激揚聲累遷巡撫甘涼鄯陽練兵儲餉四境帖然

時兵部尚書王越氣岸嶄然生平少許可獨為經綸治化卷以贈之

周

京

字在鎬永年人嘉靖進士由潞安推官擢南給事中振武營兵變京疏請誅首禍者營兵

感而畏之遷湖廣叅議廣西寇馬五等將趨永州為亂設伏擒之擢西寧副使官終太僕寺卿

石

永

字壽卿威縣人嘉靖進士官御史巡山海關按淮陽四川皆振風紀為陝西副使濬泉溉

田民甚德之巡撫延綏禦寇於環慶有功總督川湖貴州軍務擒苗酋沈亞當等永歷官以清節稱

既卒妻子不免寒餒贈右都御史

申

佐

字懋良永年人嘉靖進士授岳州府推官值狼兵劫擾捕治首惡境內晏然為陽和兵備

諸達乞通貢市其于台吉謀劫盟擁兵數萬屯近塞
佐贊畫定盟諸達稱臣獻貢陞大同巡撫都御史

王一鶚

字子薦曲周人嘉靖進士長於用兵為南京
戶部主事值兵變單騎往諭衆悉解散轉建

寧太守倭寇圍城與士卒同甘苦城
賴以全歷遷兵部尚書加太子太保

李齊芳

字見甫成安人嘉靖進士授歷城知縣時嚴
嵩擅權阿附者乃得臺諫齊芳絕不與通遷

戶部主事世宗崩穆宗未即位閣人傳中旨除官
無敢言者齊芳上疏語甚激烈上手其疏不釋中

官啣之謫佐
同州移衡州

苗淳然

字實齋曲周人隆慶進士為禮部主事值神
宗建儲未定舉朝爭之適朝鮮有廢長立次

之請淳然慮惑朝聽焚其表不以聞宗伯惶懼及
上問具以實對上領之遷陝西叅政劾貪墨吏數

人詞及吏部巡撫直聲震
一時官終太僕寺少卿

賈待問

字學叔威縣人隆慶進士歷懷慶知府築堤
以禦沁河人稱賈公堤累擢陝西巡撫中官

以權採肆橫力為節制在任七年外警強
敵內保遺黎甚有威惠卒贈兵部尚書

牛惟炳

字承菴曲周人萬歷進士選給事中嘗勸上
勤學視政并請停選官女上嘉納之真人張

國祥乞修壇廟兩宮發銀三萬兩已出國門疏請
追還陝西荒旱惟炳以封王入關即馳疏請賑全
活甚衆官終
徽寧副使

郭鄩

肥鄉人萬歷舉人授蒙城令流賊次蒙境禦
之賊知鄩善兵不戰而走江北連災人相食

鄩募粟分給所活踰數萬人尚書席書時奉
詔視賑嘉鄩能布其法於他縣仍表薦之

張鏡心

磁州人天啟進士歷官兵部尚書左副都御史博極羣書經濟多有寶蹟以磁武淇三處

旱災疏請蠲免通賦又解橐千金設法賑濟磁人全活甚衆流寇攻汴請於河北設總鎮官統兵以資防扼一時賴之子潛順治進士由庶吉士授編修為梓雲隱堂集三十卷行世

本朝

王

顯

字純伯曲周人
人前明進士

本朝順治二年任兩浙巡鹽御史疏陳鹽政要務在招商恤竈二事申明掣驗之規分別銃毀之法規制井然具有條理皆見施行

胡福弘

永年人進士順治年為江南按察使正已率下境內肅清按獄時詢微摘隱不厭再三

時號為嚴明順治
十六年祀鄉賢

李仲熊

永年人進士順治間官御史出按廣西不畏
強禦擇其尤者付之白簡次則親加訓迪所

至肅然有冤抑數大案皆為平反有真御史之稱
尋擢上湖南道以母病乞歸尋卒康熙三十一年

祀鄉
賢

冀如錫

字公治永年人順治丙戌進士由刑部郎中
出知襄陽府擢副都御史杜夤緣肅綱紀咸

敬憚之進工部尚書會淮揚河決奉命往救審形
度勢指揮所及河流安坦如故如錫才大心小不

露圭角而經濟裕如身繫中外重望者三十餘
年時以方宋司馬公云康熙二十九年祀鄉賢

溫如玉

字公瑜成安人順治壬辰進士為河南沁陽
令聽斷明恕擢刑科以慎勤稱奉使贛蕪兩

關恤商裕國兩得其道分巡池太安道倉事所至皆有盛譽康熙十三年祀鄉賢

史欽命

清河人浙江嵎縣令甫下車飭修學宮端士習親教導民化梗還醇徭減罰嵎人德之

以親老歸做義倉勸鄉里出粟以備荒利濟甚衆卒祀鄉賢

大名府

明

紀

著

開州人元季盜起率鄉人隱居避難洪武壬戌詔舉遺才有司薦之授萍鄉教諭累官僉

都御史著向受業伯顏師聖盡得其學而老成練達禮遇甚隆年七十致仕歸

董俊

南樂人由舉人受知英宗不俟廷奏擢監察御史中外奇之未幾出為雲南副使會尋甸

府蠻叛俊勒兵討之兵不血刃首惡就擒陞本省按察使

翟

唐

字堯佐長垣人弘治進士授壽光知縣擢御史正德四年出按湖廣奏言四川賊首劉烈

宜圖預備時劉瑾竊柄言路久閉唐疏中有壅蔽語瑾怒切責久之遷知寧波府有善政以裁抑市舶中官崔瑤被誣下獄謫嵩明州知州終陝西副使

李

珏

字廷重開州人弘治進士授長洲令忤逆瑾誣逮至京邑人爭醵金帛以餽瑾謀脫之珏

聞拒之曰為民獲罪復斂民以脫是益之罪也事竟得白後累遷山東副使備兵徐州時巨盜王鏊聚擾兗濟間珏指授方畧督兵討平之累陞右僉都御史歷撫甘肅山西遼東所至有聲敵不敢犯致仕卒於家予祭葬

王

縉

字遼伯開州人弘治進士歷戶部員外郎時劉瑾竊政羣閹多所請托縉悉格不行遷湖

廣副使中官谷大用以迎立興世子至安陸驕恣甚縉不屈棄官歸嘉靖中起河南副使轉山西叅政皆有討賊功累擢江西巡撫入為大理卿以忤旨左遷山東叅政卒於官

呂時中

字以道清豐人嘉靖進士入翰林改都給事大璫宋姓者數乾沒大官錢時中疏其奸居

諫垣凡七年所上疏數百擢戶部侍郎致仕

申旌

字儀卿魏縣人嘉靖進士授固始令陞刑部主事改兵部時咸寧侯仇鸞驕恣上疏明職

守為所陰中廷杖謫萊州推官鸞敗召還歷職方員外郎改吏部驗封考功故事避嫌謝客旌交際如常風采凜凜京師謂其鎖心不鎖門以父憂歸

郭思極

字致中魏縣人隆慶進士擢御史晉大理少卿尋陞僉都御史巡撫應天以母憂歸思極

長才大器年方強仕未盡其用識者惜之倭事和議初起思極私謂人曰此敗局也問何以知之曰沈惟敬細人輕信其言馬得不敗其先見如此

朱爵

開州人萬曆進士歷吏科給事中嘗論時政闕失因疏趙志臯張位罪三王並封制下爵

切諫諫按察司知事天啟中贈太僕少卿

李景元

號元石大名人萬曆進士由戶部郎備兵汝雒嚴法令覈兵餉威望遠著調張掖督戰有

功歷遷山西巡撫都御史未幾以父憂歸會河決起工部侍郎總理河道卒

郭增光

大名人萬曆進士知金鄉萊陽濰縣多有惠政累官都御史巡撫山西河南修軍政覈芻

銅練兵卒威望遠著詔賜錦衣尋遷工部侍郎疾作致仕

袁葵

字向一東明人崇禎進士授夏縣令流賊犯縣境葵設伏斬其謀賊宵遁調洪洞令夏人

叩闕乞留不報尋丁母憂服除補壽光令亦多惠政後以終養歸卒三邑皆尸祝之

劉紹璇

魏縣人幼孤事寡母至孝撫幼弟成立悉以已產讓之由潞府審理正出為常寧令律已

清介遇物慈祥寧民有賈父復見之譽家居四十年多善行閭閻逆之變邑居者竄於鄉孤城無主家人請避紹璇曰此時欲復保身家乎不去賊聞其誼相戒不敢犯

本朝

成克鞏

字青壇大名入明少保大學士文穆靖之子崇禎癸未進士

本朝順治初由館職歷任卿貳凡所建白皆關軍國大

計多見施行十年拜保和殿大學士清端恪慎贊

襄密勿動中機宜

世祖章皇帝有太平宰相之褒

聖祖仁皇帝登極一切典禮文章多出其手加少傅兼太子

太傅以疾三疏乞歸康熙三年

予告回籍優游林下者三十餘年凡文穆未竟

之事無不次第讚述卒年八十有四

盧毓粹

字含美東明人順治丙戌進士授浙江昌化

差踵門科屋稅輿馬徧邑中造屋無稅各蠹勾連關

倍徙毓粹力請兩院永革之民賴以寧陞工部虞

衡司

呂補袞

字翰公長垣人順治己丑進士授山東日照

令邑濱海土瘠補袞親歷民間時勸諭之人

尚本業勤耕織不數載而富庶甲他邑擢禮部員外郎以母老乞歸居鄉敦篤行誼輸穀社倉以備荒建塾延師以造士垣人至今德之卒祀鄉賢

徐謂弟

字篁友長垣人順治壬辰進士授山東安邱令以撫字為先慮逃人株連無辜嚴保甲懲

勾誘境內肅然他邑有不治事悉委判決無不立斷一時號為神明督徐州倉權淮安關所至弊除典試西川以知人稱終山西提學僉事祀鄉賢

崔徵璧

字祀功長垣人康熙庚戌進士由中書舍人佐郡登州以卓異擢守懷慶澄清吏治禁加

派杜苞苴絕干請以廉明稱康熙癸未冬

聖祖

仁皇帝西巡遂渡孟津

命徵璧隨至沁河賦詩講易寵遇有加特授河南開歸道一掃積習更立良法凡猾吏蠹役悉無

所售其巧旋遷通政使轉工部侍郎管寶源局上
言泉貨利弊切中機宜內立畫一之法銅商與監
督並程真偽為謀國碩論云卒
予祭葬崇祀鄉賢所著有詩韻鵠及存仁錄等書行世

李振世

字臥衡長垣人康熙庚戌進士出知獲嘉永
豐二縣永豐署中舊有妖祠蟒蛇為祟驅而

斬之咸以為正氣所勝擢理藩院判累遷戶部員
外郎轉刑部郎中以明允稱出為湖廣驛鹽清軍
道時夏逆跳梁刻期就職振世單騎入賊壘陳說
大義賊眾棄甲歸降武昌遂定調守陝西莊涼道
以病乞歸所著有退食稿集家課
全集等書先後行世卒祀鄉賢

宣化府

明

李

衍

字文盛延慶州人景泰進士成化初官叅議督四川松潘糧儲行部至彭索河知生蠻擾

邊民不得耕衍以計誅其渠帥乃視要害築防障墾荒田千餘頃三遷至戶部侍郎權尚書事河北連歲饑郡縣當輸粟塞下者索銀就糴穀騰貴衍請輸銀京師以太倉米給邊軍民便之出督關陝會久旱衍至即雨又引渭水為渠溉民田歲大稔召為戶部尚書告歸

張

俊

宣府前衛人以世職為本衛指揮使擢大同遊擊弘治時和碩入寇力戰却之歷大同宣

府總兵官正德中劉六等作亂俊率師進討屢敗賊俊為將能持廉其卒也家無贏資

王

軌

開平衛人弘治進士正德初歷工部員外出監遵化鐵廠乞減歲辦數以寬民力詔從之

嘉靖時巡撫四川討平芒部隴政遷戶部侍郎出覈勲戚莊田請如周制計品秩以定多寡別親疏

以加約損於是兼并者悉歸之官終南京兵部尚書

黃鍾

延慶州人正德進士授給事中時彭澤總督川陝有功權貴忌之誣以法鍾與同官王壩

石天柱共白其誣再遷順天府丞勲戚巨璫相戒不敢犯嘉靖初巡撫山西威望大著未幾致仕歸

張濂

宣鎮人正德進士為海鹽令邑故健訟吏姦又多優伶出入官府不禁濂至一變其俗百

姓為之語曰堂上無吏人堂下無犯人堂後無優人擢御史出僉山西按察計擒妖賊周朝事平當論功為忌者所誣罷歸

楊栢之

宣府前衛人正德進士授行人擢御史風采凜然鄉人江彬方貴倖話所知誘致之栢之堅

拒竟不一至其門嘉靖初出為廣西僉事以親老歸

岳倫

懷安衛人嘉靖進士授行人使河南見餓餒載路疏請蠲賦算發粟賑濟又抗疏論宰相

擅權謫齊東丞稍遷工部郎世宗南巡已戒行倫疏諫止上怒下詔獄尋放還

董一元

宣府前衛人父暘嘉靖中為宣鎮遊擊遇寇力戰死予贈廕兄一奎歷鎮三邊以勇敢著

一元累官宣府總兵擊破和爾齊之眾移鎮延綏徙遼東土蠻巴圖爾等大舉入寇一元用計敗之

捷聞進左都督加太子太保

本朝

王天鑑

字近微萬全人順治丁亥進士授山東恩縣知縣時流寇餘氛劫掠夏津諸邑天鑑蒞任

甫三日賊眾突至乃聚眾死守間出奇擊賊擒其渠魁于志榮等賊乃散於是釋賊虜囚男婦使各

還業當事上其功擢禮部主事累官河西道解組歸杜門絕交接卒祀鄉賢

周

貴

字榮吾永寧衛人康熙十年任台協副將舊例軍中買穀辦料及油薪茶炭無不取資民

間貴悉除去申飭軍令官兵強橫悉置之法在台三載捍衛封疆海鯨遠遁民賴以安

易州

明

鄭

紳

涑水人正德進士授戶部主事歷陞通政使侍經筵朝廷有興作勅敦匠事紳裁抑煩費

任怨職勞數受錫賚封廕官至工部尚書掌通政使事

張

賢

字牛山廣昌人初任青城縣丞陞沔陽知縣撫字有法沔人德之彙清風錄一集以頌其清

劉世輔

字松山廣昌人萬曆中任閩鄉令政尚寬平催科不擾歲亢旱禱雨立應時稱為雨劉孫

正志知隆德
亦著政聲

本朝

劉芳躅

字增美順天宛平籍易州人順治乙未進士改庶吉士授編修累遷秘書院學士出撫山

東甫至即飭屬吏屏絕餽遺廉訪民情利弊連上
一十三疏凡所因革悉蒙

俞旨後

以工部侍郎致
仕卒祀鄉賢

李燕俊

字毓美易州人初以舉人為武強教諭訓士有方登康熙甲戌進士授四川萬縣知縣周

咨利弊多所興除邑人勒
碑以紀其績卒祀鄉賢

冀州

明

徐

璉

字宗獻武邑人弘治進士知袁州府正德四年宸濠反璉聞變謁巡撫王守仁於吉安府

誓擊亂者歸聚兵得五千人從下南昌破之遂與守仁計躡濠遇於王家渡時濠兵勢強甚守仁遣璉與吉安贛州臨江三知府合勢夾攻賊大潰濠就擒守仁疏璉功第一累陞左布政歸著有玉峰集選體詩羣書纂要二百餘卷

李文熙

字道光南宮人萬歷進士知汶上句容二縣咸著聲績擢御史多所建白後罷職歸熹宗

初起太僕寺卿年八十六卒

本朝

杜鎮

字子靜南宮人順治戊戌進士初知陽信縣邑素疲瘠積逋盈萬官吏叅逮無寧歲鎮至

為清覈在民者援例請免在官者捐俸賠補十七年逋欠一旦清完達近稱頌遷內閣中書改刑部

主事以閣臣薦預修

世祖

章皇帝實錄授翰林院編修累進侍讀乞歸適白蓮妖

賊倡亂堂陽失守鄰邑震恐鎮與知縣胡景銓隨機捍衛賊旋投首被俘婦女千餘鎮以五百金與官軍贖之封貯一室令家人自來認取共皆望風泣拜而去康熙二十四年祀鄉賢

趙州

明

趙

耀

寧晉人洪武初從徐達取蘇州授大都督府都事及達平山東河南克元都取山西入關

中耀綜理慎密不憚勤勞達愛重之至於遣將四出攻戰守備機宜方略皆預焉上以耀從取元都

知其風土民情邊事緩

急授北平行省叅政

王

珩

字美器趙州人成化進士歷工科都給事直言無避累遷南京戶部侍郎請託不行為時

所憚

呂兆熊

字渭陽栢鄉人萬歷進士授崑山令以循良第一擢兵科給事中時寧夏告警兆熊奉命

閱邊疏侵當事謫夏津縣丞累遷陝西巡撫以功

陞戶部侍郎總督漕運計擒白蓮教首惡周志德

等進戶部尚書總

督倉場卒予祭葬

王經邦

字鞏騶寧晉人萬歷進士授行人出使兩藩力却餽遺歷戶部郎中督餉甘肅盡革支放

常例軍中設位而祝有黃傘濁青傘清之謠病卒於軍道臣視含殮簡床下一笥僅存念餘金嘆曰吾輩當愧死詔贈布政司左叅議郎官從未有贈蓋特典也

魏純粹

字乾仲栢鄉人萬歷進士授陽武令邑賦役煩重純粹力請蠲減立四則十議積困以蘇

議開荒十二政倣古井田法勅渠井都堡為均田給牛餉墾田三十頃麥秀兩岐巡按御史奏治平第一擢御史侃侃條議皆中時弊聞父病堅乞歸侍疏云有子而不奔父之急世間安容此子有臣而不盡子之道皇上安用此臣拜疏即行歸里年餘以疾卒

本朝

高去奢

字爾遜寧晉人明崇禎進士由知縣遷禮部主事

國初召為御史凡所陳奏多見採納督江南學政以敦士習正文體為先務屏却陋規分廩貧士進大理寺丞奏謝明允尋告歸卒於家順治十五年祀鄉賢

蔡含靈

字子虛寧晉人順治丁亥進士知天台縣浙中劇寇縱橫台邑尤甚含靈甫下車設方畧出奇衝賊營斬其渠帥招降餘黨民始安堵擢工部主事累遷河南睢成道署臬篆纔六月清滯獄四百餘案咸服其神尋以疾卒於官康熙五年祀鄉賢

魏裔訥

字觀周裔介弟順治辛丑進士知江南桃源縣時值河決民多流離訥力請賑救全活無算又令民開荒地勤者賞給於是民皆踴躍不數月闢田數千頃裔訥長於詩任桃源時著有獄漬

吟淮瀆草等集弟裔某官陝西平涼府知府子總
由進士官潯州府同知以孝友世其家康熙六十
一年同
祀鄉賢

鄭名

字君實寧晉人順治進士初授永春知縣兵
火之後民居零落名多方招撫不期月列肆

充溢以母憂歸再補宜君令邑荒瘠倍於永春官
至僦居村堡名集流亡徙之城中建學宮次修
官廨值歲旱名步禱自責甘雨立降仕四載以治
行第一擢御史按兩淮鹽課疏請變通鹽法以消
通課進掌河南道乞歸居鄉出粟賑
饑全活甚衆康熙十八年祀鄉賢

深州

明

劉

俊

饒陽人永樂中由國子生授吏部郎清直一節長沙土民作亂以為長沙守宣布威德殲

其渠魁餘黨悉平尋擢

本省左布政卒於官

劉

俊

深州人成化進士授青州推官鞠獄詳允不避盤錯每行部不治裝不列騶從衣大布蕭

然匹馬如諸生擢御史調河南副使

王

命

字欽甫饒陽人嘉靖中由舉人除鳳翔令廉介不苟直指行部至僅具廩餼歎息稱為古

人秋禾稼為災命為文祭之一夕不知所往秦人傳為異政以忤上官歸尋卒

本朝

郭金鉉

字仔侯安平人順治己丑進士授中書舍人擢戶部主事權鳳陽再權潁潁釐剔積弊恤

民裕國一時號為廉平以疾卒邱第金鉉為諸生時讀范仲淹義田記慨然有志奉使歸置義田三百畝贍給宗族邑人士高其德義康熙四年祀鄉賢

劉景雲

深州人進士歷官按察僉事備兵靖遠衛性剛介屬令有餽金三百兩者立置之法廉聲

日著加副使丁母憂歸絕意仕進蕭然著述家居必衣冠整肅又手危坐至易簣時談笑自如卒祀鄉賢

張英奇

字子千深州人寄河東離籍年十九成武進士擢一等侍衛

特旨簡授高雷廉總兵閱一年奉

詔入覲備詢營制稱善賞賜金馬來時路經吳川電白兩

邑士庶以荒地積逋叩馬泣懇入告即拊髀曰昔鄭監門繪圖入告當時未聞責其越俎况

聖主念切民艱乎

陛見日直言上奏制下兩邑逋租盡蠲計數萬金至今建

祠頌德回粵任適信宜土寇跳梁紛議勦捕奇曰
烏合之衆饑寒所迫耳曷以德意撫之爰張示宣

恩義申利害賊衆果降又六頭堡餘孽肆劇以奇
計誘之不費一鏃就擒自是士民安堵三郡獲寧

卒於官

恩賜祭葬如例

張倬

字靜軒安平人康熙庚戌進士初授南靖令
值軍務倥傯供應軍需日僅一飯不辭勞勩

擢刑部主事發奸摘伏慎刑恤囚時稱平允轉吏
部郎監司山右立賑濟法甚善晉人至今誦之尋

提學雲南清節為天下第一終按
察司副使康熙五十五年祀鄉賢

張星法

武強人進士歷官監察御史少即以孝友聞
康熙乙巳歲饑星法奉母及兄弟捐米穀全

定州

沽萬人巡撫于成龍持疏請旌曰一門好善星法性剛介為御史時每會勘秉持公義不苟附和不畏威趨勢人敬憚之康熙四十四年祀鄉賢

明

張

鎬

字叔卿定州人嘉靖進士累官按察副使備兵岢嵐轉右叅政經理營田剪荆棘冒霜露

為士卒先窮邊曠土皆成沃壤又於偏頭關諸要害建垣臺三百餘里戰守之具皆備擢撫寧夏疏河渠資灌溉以實軍儲冬備冰塙以待敵敵至輒失利去尋以病卒

施朝卿

定州衛世襲指揮任州遊擊故事州軍春秋兩防疲於奔命朝卿請兩院奏免春防永為

定制劇賊張守清聚黨數千據五臺山有司屢勦之不克朝卿遣健卒十人密授方略不數日守清被誅餘黨散去事聞璽書褒獎尋命征倭運奇制勝朝鮮獲全師還擢僉左軍都督府

本朝

李人龍

深澤人明崇禎已卯舉人

本朝授浙江昌化令時方定鼎民甫歸心人龍勸誘勞來安其良善以智擒劇寇帥應璧等昌化民有李青天之頌擢兵科給事中疏請臨雍釋奠慎重銓除頒賦役全書汰老幼冒濫寬刑恤工六大事又疏懇河南開荒之地俟三年後照例起科皆蒙俞允後以母老乞歸卒祀鄉賢

畿輔通志卷七十五